


AMAKA YAKWA LESA AYASANGULA

 Natotela, Munyina Williams. Mwashibukeni, mwe banandi. Ndi . . . Ici ca lupwa lwa ba Shakarian, Munyina Williams na Nkashi Williams na bengi muno na beshiba palwa cena. Nalimwene cilya mucimonwa, nalimo ibili atemwa imyaka itatu ilyo ena talalwala, kabili cena calicitike.

² Kabili umwaka wafumineko ilyo twali muno, ndecetekela cali ni mu January, cali ni ku musonkano, yali ni nshita ilyo ulya shimapepo (nani ishina lyakwe? Nindabako ishina lyakwe nomba) ali muno. [Umo atila, “Stanley.”—Ka] Stanley, Bishop Stanley, ukufuma ku lukuta lwa Katolika. Imwe muleibukisha ilyo andetele Baibele, namwishiba, kabili atile kuli ine.

Kwali abengi abalesesema, “We mwana wandi umwanakashi, naundapwa.”

³ Kabili ena alishibe ukutila icimonwa calisosele ukutila ena tali no kuba umutuntulu. “Ena ali no kufwa pakati ka tu na fili koloko mulucelo.” Muleibukisha cilya? [Umo muntu atila, “Ee.” —Ka.] E ico, tu atemwa fili koloko.

⁴ Kabili ine nshamwebele Demos. Kabili nomba nalyebele banyina bampyani, mulya mwine mucipinda, kuno kwine kuli cino cifulo. Natile, “Ena takabe umutuntulu.”

Mrs. Shakarian atile, “Cisuma, umuntu onse alesesema.”

⁵ Natile, “Mucine, ine kuti nalufyanya, ne mwine, lelo nalisosele cena. Ena takabe umutuntulu.”

⁶ Nalibebele abengi muli bena, nalimo imyaka itatu iyapitapo, “Nali mumwene alebutukila ubumi bwakwe, kabili aile mubusanshi. Kabili aimishe amaboko yakwe no kubilikisha kuli ine, nga filya. Kabili ine—ine nalifililwe no kufika kuli ena. Kabili elyo nali mumwene ukufwa. Kabili nalilolekeshe, kabili kwaliko icintu cimo, kwaliko inkoloko, kabili casosele cili no kuba pakati ka tu na fili koloko.”

⁷ Kabili e ico bishop atile, “Cisuma, nalalolekesha fye no kumona ifyo cilya cikesafikilishiwa.” E ico, cena caishilefikilishiwa.

⁸ Ifwe mucine tuli no bulanda. Ndeumfwa ulukuta nalulufya umuntu umukalamba, muli Nkashi Florence Shakarian. Lelo, ena ali ni kemba umukalamba, ena ali umwanakashi uwaisushiwa no Mupashi.

⁹ Nali na banyina; ba nyina bali umo uo naishibe nakwete ku Lulamba lwa ku Masamba, ilyo ba nyina baundepwe. Ilyo ba doctor . . . Ena alimukufwa, kabili uwafimba onse. Kabili

e ico do—doctor ulya uwali kulya alinjebela, atile, “Nomba ube tondolo nganshi ilyo lepepa. Wipanga icongo sana. Umwanakashi alefwa.”

Natile, “Ee, mukwai.”

¹⁰ Kabili atile, Elyo, alitwalilile fye ukunjeba. Kabili, cisuma, nshakwete ne shuko ukwisula akanwa kandi, icapala.

¹¹ E ico, cali ni Munyina Demos uwanjebela ukutwalilila ukuya pa mulu no kumona wene.

¹² E ico, nalile pa mulu. Kabili Florence alifukeme panshi, elyo umukashana umunono uwaemba, na bamo abengi abanakashi. Kabili balile kulya no kumupepelela, no kulanda cena. Kabili ena alifwile mutombo. Kabili balimwebele ena ali nokwima nakabili. Kabili alicitile. Imyaka naimbi pantanshi, ena alifwile. Kabili nomba Lesa alasuka amapepo yesu.

¹³ Kabili ifwe twalishiba cilya, ifwe twalitectekela ukutila ifwe bonse natwisa kuno ku bufwayo bwakwa Lesa, kabili ifwe twalitectekela tulaya umusango umo wine. Umo na umo, ifwe cila umo tulaciluka ilye ncende. Kabili ulya e mulandu wine tubelele muno muno lucelo, ukulongana capamo muli ili Senge lya Baume Bashimakwebo Abenakristu, caba ukulanda pali ifi fintu, no kuteyanisha bena, pantu ifwe twalishiba fyena fili ifyashininkishiwa ukwisa.

¹⁴ Nomba Nkashi Florence mwanakashi uwacaice, imyaka yakufyalwa amakumi yane na fibili, Munyina Williams acinjeba fye, kabili mwaice nganshi. Lelo ilyo bena, ena alishibe ukutila ena alikwete ubu bulwele, cinshi, nalimwene icimonwa ica ena no kunjeba ifikacitika kuli ena. Elyo, cena kuti caba. Lesa alishiba fyonse palwa cena, kabili ena ukumona Yesu mucipinda ilyo talaya. Ifwe tatulefwaya fye ukumupepela wene pantu twalicya cilya nganshi. Ifwe tulefwaya fye ukutasha Lesa pa bumi ubwali pakati kesu, ubo bwatuputilemo ifwe bonse, nga Nkashi Shakarian.

¹⁵ Kabili ifwe tulefwaya ukupepela Munyina Demos na Nkashi Rose. Kabili ibukisheni, bena balikwete ifya bacitikile ifyabipa ifyakosa mubumi bwabo, muyakulekelesha . . . cena ni bawishi, na nkashi yakwe nomba muyakwe . . . imyaka yapita. [Umo muntu alanda kuli Munyina Branham—Ka.] Lelo, kabili, ee, ukukana cilapo, ukukana cila, imyeshi ikumi limo; na nkashi, Nkashi Edna, nao.

¹⁶ E ico, nalishiba ifya kukoselesha Munyina Demos. Nalikwete batata, munyina, umukashi, no mwana, abaile nshiku shinono ukupusana, e ico ine—nalishiba ifyo ena aleumfwa muno lucelo. Iwe ulesa mukwishiba fye ilyo waiminina muli shilye nsapato, lilya e lintu iwe wishiba ifyakukoselesha. Kabili . . .

17 [Imibombele yakulandila yapange congo—Ka.] Nacicita cilya ine wine. Njeleleniko. Nacikumya akakutinikilako akanono kuno lubali pa cifulo cimo, no kuboko kwandi. E ico ine—ine munjeleleko nacicisula sana, kabili tekupilibula ukucita fyo.

18 E ico natwiminine nomba ilyo ifwe... nga kuti mwacita, nga cena cili... Natukontamike imitwe yesu.

19 Shifwe uwa Mulu, natulongana muno muno lucelo uku shinshimuna Imwe, no kutotela Imwe no kumulumbanya, pa kutuma Yesu Kalubula wesu. Ukutila twalikwata isubilo panuma ubu bumi bwapwa, pa kumona ukutila cena tacaba icalyonse ukutila ifwe tuli no kwikala pano inshita fye yonse. Kabili, Tata, ukumona imibele ya nkumbabulili iya iyi mibili ingesamo, ifwe tuli abansansa ifwe tatulingile ukwikala pano inshita fye yonse. Imwe mwalipanga inshila yakubutukilamo, ukupitila mumupokapoka wa mfwa.

20 Kabili, Tata, ifwe tuletasha kuli Imwe muno lucelo, pa bumi bwa uyo waiminine pakati kesu, ukukana cila umwaka umo uwapitapo, ukwimba amalumbo Yenu; Nkashi Florence Shakarian, nge fyo twamwishibe wene. Kabili Imwe mwalitwebele akale sana, nangula imyaka, ukutila ici cali nokucitika, cena tekuti cibe icakututensha nganshi ifwe. Kabili twaliba nganshi ifyo Imwe musosa caba icishinka. Kabili elyo Icebo Cenu citila, “Umuntu ufyalwa ku mwanakashi, wa nshiku shinono kabili uwaisulamo na mafya.” Ifwe twalishiba cilya cishinka, naco, Shikulu. Ifwe twalishiba ifwe bonse tulingile ukwisa muli ulya umupokapoka. E ico ifwe tulemutotela Imwe pa bumi ubo bwali, pano pe sonde. Kabili ukucetekela ku citetekelo, ukutila nomba, muno lucelo, ena napita ukufuma muli iyi nga'nda ya bulanda iya malwele, ukwingila mu mubili uwabukata uyo ushakatale ukulwala. Kabili amatalanta yakwe aya kwimba, kabili ishiwi ena akwete, kabili umupashi wakwe uwa nonshiwa mu nkumbu na Kristu! Ukutila ngalibwelele muno lucelo, ena tekuti acicite nangu cibe shani; ena kuti apita muli fyonse fi nakabili. Icili, nomba cena nacipwa, ena ali pamo na banyina kabili na bawishi. Bena baitile akanya kabo, kumushi. E ico, ifwe—ifwe tulemutotela Imwe.

21 Ifwe nacimbi tulefwaya ukupepela pakusansamushiwa, kwakwa Munyinefwe Shakarian, munyina umutemwikwa wesu uo twatemwa, ukwishiba u—ubumi ubo ena aikele, kabili ifya kucushiwa ifyo ena alepitamo muli ishi nshiku sha kulekelesha, kabili ifyo ena ali. Ukumona ena alekota, kabili imishishi shakwe shilepwa, kabili amapeya yakwe yalewa, kabili nomba ukweshu ukwikala mwibala kuli Lesa. Lesa, mupeni amaka ilelo. Ifwe tulepepa, Lesa, ukutila Imwe mwalapela cena. Kuli abo bonse abalelosha pa kuya kwakwe, ifwe twapepela cila umo uwa bena.

22 Kabili lekeni ifwe, Shikulu, ilyo tuletontonkanya pali ci, twibukishe ukutula naifwe bene tuli no kuya ubushiku bumo. Ilyo ifwe twikele capamo muno mu mulola wakwa Shikulu Yesu, ifwe tulemulomba ukutula Imwe mwalaleta ici cipya cipya kukwibukisha kwesu. Kabili lekeni ifwe tufwailishe, nge fyo cali, atemwa tucenente ubumi bwesu, ukutula ifwe tulingile ukuba pesamba lya Mulopa kabili Mucitetekelo. Peleni Cena, Shikulu.

23 Nomba ilyo ndeesha muli aya mafya ukuleta imbila inono ku bantu, ilelo, ndepepa ukutula Imwe mwalangafwa, Shikulu. Mpeni amaka, pantu ine—ine—ndekabila yena, Shikulu. Kabili ndepepa ukutula Imwe mwalapela yena. Kabili lekeni icintu cimo cilandwe ico cingacindamika fye Imwe. Kabili nga kuliko uuli onse pesamba lya ciunda cesu muno lucelo, uyo ushili uwaiteyanya ukukumanya ora iyo ili kuntanshi yabo, lekeni iyi ibe nshita ilyo bakaipela kuli Wene Uyo wasosele, “Nine Nshila, Umweo, ne Cine,” nangula Shikulwifwe Yesu Kristu. Pantu twalombela cena mwi Shina Lyakwe. Amen. (Imwe kuti mwaikala.)

24 [Umo muntu kuntanshi alelanda kuli Munyina Branham—Ka.] Munyina alefwaya ukwishiba ngo uli onse kuti aumfwa fye bwino. Ena nakwata ifyakulandilapo fibili. Bushe cilya cili fye bwino? Bushe muleumfwa? Imyeni amaboko yenu nga mulecita. Bushe kuti mwaumfwa; imyeni amaboko yenu. Cisuma.

25 Munjeleleko ukutula ifwe tatukwete incende apakwikala iya muntu onse muno lucelo. Kabili ifwe tulesubila ukutula ine nshaikale kuno inshita itali nganshi, iyalinga fye nalimo ukutuletela ifwe nalimo ukubelenga kwa Cebo; ukutula Shikulu Lesa ali no kucindika Icebo Cakwe ico calabelengwa, kabili alapela kuli ifwe ukusenamina Kwakwe, pakutula twinga mubombela Wene kuli cena.

26 Nomba bacinjeba kuli Billy Paul, muno lucelo, ukutula cena limbi kuti caba icingacitwa ukutula ifwe ukulanda pa Mulungu ukakonkapo pa Grantway Assembly of God, mu Tucson. Nga kuliko uuli onse muno ukufuma ku Tucson, ine limbi tekuti mumone uno mulungu. Nkaba ku Grantway Assembly of God, pa Mulungu ukakonkapo.

27 E ico ifwe elyo tubwelele fye ukufuma kulya ku Kabanga, kabili nali ngo waleiletelo bwafya panono, pa kulisha sana, ne cikuku icapulamo ica bantu mulya mumpili. Kabili—kabili nalilwele, e ico nshilaumfwa bwino nganshi uno mulungu. E ico, mumpepeleko. Kabili . . .

28 [Umo muntu atila, “Ubwingi bwa tu opussum.”—Ka.] Cinshi ico ulesosa, [”Ubwingi bwa tu opussum.”] Munyina Carl Williams ne lyano lyakwe ilyakongola, kabili ndetontonkanya

ifwe tulekabila lyena ino ine nshita, acitila, “Ubwingi bwa tu opussum.” Nshishibe palwa cilya, Munyina Carl, lelo ibumba lyonse ilya tupale. [Munyina Branham aseka.]

²⁹ E ico imwe mulefwaya ukupepela umo muntu muno lucelo, cinshi, ine—ine mucine ndi no kutasha mucine nga cili nokuba yamo amapepo yenu pali ine, pantu ine—ine ndekabila yena.

Nomba ifwe tulefwaya ukuya bwangu bwangu mu Cebo.

³⁰ Kabili nshilefwaya ukumisunga muno nshita itali, nganshi, pantu ndecetekela kuliko ukumfwikila pali lamya mukati ka nko, pali ici muno lucelo, cileya fye kufuma ku Lulamba lwa ku Masamba no kuya ku Lulamba lwa ku Kabanga, ukufuma kukwa Kulyo no kwa Kuso. Abengi, nkuta ishingi nabakwata iyi ncende iyo imwe bonse mukwete cimo cine mu tabernacle. Lyena na cimbi baleumfwako mu Phoenix, ukutula ukuli konse ukuli ukulongana, yena ileisamo fye mu i . . . Kabili bena balalongana mu ma chalichi na mu mayanda, ne fintu nga filya, balacita umusango uusuma nganshi. Bena batila cena caliwamishapo ukucila umulabasa. Cena ku mfwila pali lamya, bena balabika lamya pali microphone, atemwa fyonse ifyo cili, mucipinda. Kabili bena . . . Umukashi wandi atile, Ukwisa ukufuma ku Indiana umulungu wafumineko, kulya ku Tucson, cena cali fye cimo cine kwiminina mucipinda. E ico ifwe tulepepa ukutula Lesa alapala balya bonse abali pali lamya muno lucelo, konse uko bali. Kulya mu New York nomba cili no kuba, owe, mucungulo, ne nshita ishapusana pusana ilyo ileya munko.

³¹ Nomba mulya mwi Buku Iya BenaRoma, icipandwa ca 12, kabili iya 1 na vesi ya 2, ifwe tulefwaya—ifwe tulefwaya ukubelenga ili Lembo.

E ico, mwe ba munyinane, ndemupapatila ku nkumbu shakwa Lesa, tuleni imibili yenu bulilambo bwa mweo, ubwa mushilo, ubwakutemuna Lesa, e kupepa kwenu ukwa bumupashi.

Kabili mwipalana no bwikashi buno: lelo musangulwe mukulengwa kwa mitima yenu ipya, ukuti mulinge icaba ukufwaya kwa kwa Lesa icisuma, . . . kabili icapwililika . . . icisuma, ubwatemwikwa, icapwililila, ukufwaya kwakwa Lesa.

³² Nomba, nga Shikulu asuminisha, ndefwaya ukusende sambililo lyandi ilya muno lucelo, pali: *Amaka Yakwa Lesa Ayasangula.*

Kabili mwipalana no bwikashi buno: lelo mube . . . musangulwe mukulengwa kwa mitima yenu ipya, nomba, kabili ukuti mulinge ico caba ukufwaya kwakwa Lesa, icapwililila, kabili icakutemuna.

³³ Yena malembo ayakale ayo twaishiba ayo mwebengi imwe bakacema mwabomfya ukupita mu nshita yenu. Yena yalibomfiwa ukutula ilyo Yena yalembelwe. Lelo nomba, icintu cimo palwa Cebo cakwa Lesa, Cena tacakatale ukukota, pantu Cena ni Lesa. Cena tacakatale ukukota. Ukupita mu nkulo ili yonse nomba, mupepi fye, nalimo imyaka imyanda amakumi yabili na cinekonse konse, atemwa ukucilapo, ici Cebo cakwa Lesa calibelengwa na bantu, bashimapepo, kabili nabambipo, kabili Cena tacatala ukukota. Nalibelenga Cena, ine wine, pa myaka imo amakumi yatatu na fisano. Kabili cila nshita nabelenga Cena, ndasanga icintu cimo icipya ico nalolekeshopo pa nshita yakubalilapo. Pantu, Cena caliputwamo, Cena ni Lesa umusango wa nkalata. Mwamona, Cena mibele yakwa Lesa ukulandila kabela, kabela, kabili cabikwa pe pepala.

³⁴ Inshita shingi, umuntu atila, “Cisuma, nomba, umuntu ewalembele iyi Baibele.” Iyo. Baibele itila, Iyine, ukutula Lesa alembele Baibele. Cena Cebo cakwa Lesa.

³⁵ Kabili Cena tacakatale ukufilwa. Yesu atile, “Imyulu ne sonde fikafilwa, ukupita, lelo Ifyebo Fyandi tafyakafilwe.” Kabili Cena tekuti cifilwe, kabili pa kuba Lesa, pantu Cena ciputulwa Cakwe.

³⁶ Kabili elyo imwe pakuba umwana mwaume no mwana mwanakashi, imwe muli iciputulwa ca Cena, kabili cilya cilelenga imwe ukuba iciputulwa ca Wene. E ico ulya e mulandu wine mukwata isenge capamo ukushinguluka Icebo cakwa Lesa.

³⁷ Nomba ili shiwi *ukusangulwa*, nalifwaile mucitabo cakulondolwelamo amashiwi, mailo. Ilyo, nali fye mupepi nokulufya inshita ilyo nali no kuba kuno, ilyo nalefwaya ifyalembwa, kabili nasangile ili shiwi, pali ifi fyalembwa, ntile, Amalembo. Kabili mucitabo cakulondolwelamo amashiwi itila ukuti cena caba “icintu cimo ico cipilibwilwe.” Cena cilingile “ukupilibulwa.” *Ukusangulwa*, “ukulengwa icapusana ukucila ifyo cena cali.” Cena caba, “Imisango ya ciko ne fintu fyonse nafipilibulwa muli cena,” *ukusangula*.

³⁸ Kabili ndetontonkanya muno lucelo, mu Kutendeka 1. Ili sonde pali icimfulumfulu, kabili apashaba kantu, pali nemfifi pa mulu we tenga; tapali nangu cimo kano fye icimfulumfulu icituntulu. Kabili ilyo ili sonde lyali muli ulyo musango, Umupashi wa kwa Lesa washundile pa mulu wa menshi, kabili icikope conse calipilibwilwe; ukufuma ku cimfulumfulu icituntulu, ukwisa kwi Bala Iya Edene. Cilya caba Amaka yakwa Lesa ayasangula, ayo ayengasenda icintu cimo icishili nangu cimo no kupanga icintu cimo icawama ukufuma muli cena. Amaka yakwa Lesa ayasangula!

³⁹ Kabili ifwe tuleluka ukutula, pa—pa kubelenga Amalembo, ukutula Lesa ali mutanda—imyaka amakana mutanda

mukukwata uku kuteyanya ukwa iyi Edene. Nomba, Ena limbi nga takokwele filya; lelo ukwelenganya fye, kabili ukusenda cena ukufuma mu Malembo uko yena yasosa “ubushiku bumo na Lesa, caba imyaka ikana pe sonde,” cilya cili, nga Lesa engapenda inshita. Nokusosa cali imyaka amakana mutanda Ena akwete mukupange sonde, kabili Ena abyele pe sonde imbuto shonse ishisuma. Kwali fye fintu fyonse fyali fye fyapwililika.

⁴⁰ Ndetontonkanya, inshita shingi, ilyo nangula bakasusha batendeka ukubelenga Ibuku lya Kutendeka, bena balatendeka ukwebaula Lyena, pantu cena cimoneka kwati Lyena lyonse lilaibwekeshapo Iline, atemwa ilamutwala imwe kuno lubali na kulya.

⁴¹ Lelo nga ifwe twalolekesha fye pa kashita, ilyo tatulaisa mwisambililo lyesu, ukutila, Mose alimwene icimonwa. Kabili Lesa alandile kuli wene. Lesa alandile kuli Mose icinso ne cinso, akanwa no kutwi. Nomba, Ena tatalile ukulanda ku muntu umbi nga filya, nge fyo Ena acitile Mose. Nomba, Mose ali umukalamba, umo uwa bakalamba nganshi pali bakasesema bonse. Ena ali icipasho cakwa Kristu. Kabili nomba Lesa kuti alanda, Ena alikwata ishiwi. Lyena lyalyumfwika. Lesa kuti alanda.

⁴² Kabili Lesa kuti alemba. Lesa alembele Amafunde ikumi no munwe Wakwe Umwine. Ena alembele pa fibumba fya—fya Babylon limo, no munwe Wakwe. Ena alineme nokulemba mu misensenga inshita imo, no munwe Wakwe. Lesa kuti alanda. Lesa kuti abelenga. Lesa kuti alemba.

⁴³ Lesa e Kafukauka aka kusenamina konse na Maka, kabili na mano yonse aya Bulesa, fyaba muli Lesa. E ico kanshi, ukwishiba cilya, Ena e Kalenga fye eka uwabako. Takwaba kalenga umbi kano Lesa. Satana tekuti alenge, nakalya, ena apondamika fye ifyo fyalengwa. Lelo Lesa e Kalenga fye eka.

⁴⁴ E ico kanshi, Ena alengele ku Cebo Cakwe. Ena atumine Cebo Cakwe. E ico shonse mbuto isho Ena abikile pe sonde, Ena alengele shilye mbuto ku Cebo Cakwe Umwine, pantu takwali nangu cimbi icakupangilako imbuto. Ena ashibikile shena, kabili shena shali pe samba lya menshi. Ena asosele fye, “Napabe *ici*, kabili napabe *cilya*.”

⁴⁵ Nomba tulesanga ukutila, inshita ishing, cimoneka kwati Baibele ilaibwekeshapo atemwa ukusose cintu cimo kufyo Yena taicita, ukusosa. Tutile, mu Kutendeka 1 tulesanga ukutila, “Lesa alengele muntu mu cipasho Cakwe Umwine, mu cipasho cakwa Lesa emo Wene amulengele ena; umwaume no mwanakashi Ena alibalengele.” Kabili elyo Ena aletwalilila, kabili ifintu ifingi fyalicitike pe sonde.

⁴⁶ Elyo tulesanga ukutila, takwali umuntu uwakulima umushili. “Elyo Lesa alengele muntu ukufuma mulukungu lwa

mu mushili.” Ulya ali muntu uwaibela. “Kabili Ena aputile umupashi wa mweo muli wene, kabili aishileba icibumbwa ca mweo.”

⁴⁷ Umuntu wakubalilapo ali mucipasho cakwa Lesa, ico caba Umupashi. Yohane 4, itila, “Lesa Mupashi, kabili abo aba mupepa Wene balingile ukumupepa Wene mu Mupashi na mu Cine.” Lelo Lesa Mupashi. Kabili umuntu wakubalilapo, uo Ena alengele, ali muntu umupashi, kabili ena ali mucipasho kabili na mucata cakwa Lesa.

⁴⁸ Kabili elyo Ena abikile uyu muntu mu mubili, kabili umuntu aliwile. E ico lyena Lesa aishileika no kuba mucipasho ca muntu, pakutila Ena engalubula ulyo muntu uwawa. Lilya e lyashi ilituntulu ilya Mbila nsuma, ku lyandi—kwi tontonkanyo lyandi.

⁴⁹ Nomba, Lesa, mu myaka amakana mutanda, alibyele imbuto shonse ishi shawama, atemwa Ena alandile Cebo Cakwe. “Cili no kuba *uyu* musango. *Ici* icimuti cikaba. *Ici* cikaba.” Ifintu fyonse fyali fye fyapwililika. Cena cali fye cisuma. Kabili Ena aebele cila shimo isha shilye mbuto ifyo shena shali no kuba, shena shali no kuisangula ishine mucilimwa ica musango wa bumi ico Cebo cakwa Lesa calandile muli shena ukuba. Nga cena cali umuti wa mutelebinti, cali no kumesha umutelebinti. Nga cena cali utuncindu, cali no kumesha utuncindu.

⁵⁰ Pantu, Kalenga mukalamba elyo atumine Icebo Cakwe. Kabili Icebo imbuto cali kulya ilyo mbuto ituntulu tailalengwa. Kabili Icebo calengele imbuto. Mwamona, “Ena alengele sonde ku fintu ifishimoneka.” Mwamona, Ena—Ena alengele sonde ku Cebo Cakwe. Lesa alandile fintu fyonse mukumonekela.

⁵¹ Kabili pa kuba Lesa, Kalenga, ukulanda ifintu fyonse mukumonekela, cena camoneke ukuba isonde lyapwililika. Lyena lyali i—incende iyawama. Yena yali i—iyacine cine Paradise ituntulu pano pe sonde.

⁵² Nomba, ilyo, cila cifulo calikwata headquarter ku cifulo cimo. Uno musonkano walikwata headquarter, kabili ili bumba lyalikwata headquarter, kabili ulukuta lwalikwata headquarter. Kabili Lesa alikwata headquarter. Kabili iyi ncende ikalamba, inko iyo tuleikalamo, yalikwata headquarter. Kabili e ico iyi Edene ikalamba yalikwete headquarter, kabili headquarter yaiko yatungulwilwe mwibala lya Edene, atemwa mu Edene, ku Kabanga ka Edene.

⁵³ Kabili Lesa abikile pa mulu wa ici, ukuteka fyonse ifibumbwa Fyakwe ifikalamba pano pe sonde, Umwana Wakwe na nabwinga wa Mwana Wakwe, Adamu na Efa.

⁵⁴ Lesa ali ni Wishi wakwa Adamu. “Adamu ali mwana wakwa Lesa,” ukulingana na Malembo. Ena ali mwana wakwa Lesa.

⁵⁵ Kabili Lesa amulengele uwakumwafwa, ukufuma mumubili wakwe wine; nalimo ulubafu ukufuma pa mutima wakwe, pa kutila ena engapalama kuli wene, no kumupangila uwakumwafwa. Cena mucine tacali umukashi wakwe lilya, nge fyo ena tali umuntu lilya; Ena alandile fye cena. Kabili palya epo bwafya bwaishile, Satana amusangile ilyo Adamu talati. E ico, Cena cali fye Cebo Cakwe Ena alandile.

⁵⁶ Ndesosa ukutila, nshilefwaya ukupose nshita itali sana pali cena. Lelo bamo muli imwe limbi kuti mwabako abafulungana panono, maka abantu bamo kulya mui—kulya kukwa kuso, cilemoneka ukusanga ukufulunganishiwa panono pa Mbila iyo nakwata ukufuma kuli Lesa ilelo, ku bantu, ilya palwa bufyashi bwa nsoka. Kabili ndi no kuya ku nga’nda, Shikulu ngasuminisha, bumo muli ishi nshiku, ku Jeffersonville. Ndefwaya nalimo imbila ya ma ora mutanda, no kulungamika fyonse filya, mwamona, e ico cikabika fye cilya mu musango uo imwe mukeshiba ifyo tulelandapo. Kabili cena ni EFYO ASOSA SHIKULU. Cena caba fye ica cishinka nge fyo Cena cali ilyo camwene Nkashi yesu Florence ilyo talaya, imyaka ingi. Mwamona, Cena Cishinka. Kabili nomba, ifwe, nalimo cena tacailukwa.

⁵⁷ Ngo muntu umo kuti aisa kuli ine, icintu cimo icapusana, ine kuti naba ngo wakukana iluka cena, ne mwine. Ine tekuti ntemwe ukwebaula ifyo uuli onse alesosa. Ifwe tatulingile ukwebaulana umo no mubiye. Ine nshaba no mulandu wa kucita cilya; ndetasha Shikulu. Ine nalyebaula ulubembu no kukanatetekela; lelo te muntu palwakwe umo, mwamona, ine—nshicita. Ifwe tuli—ifwe tuli ba munyina na bankashi, ukulwisha, ifwe tuleisa kulya uko Nkashi Florence aishile ko maila ulucelo, mwamona. Ena, ifwe, ifwe bonse tulingile ukwisa ilya nshila. Kabili cena te pange lyandi uku—ukwisha ukwebaula munyina atemwa nkashi uyo ushinga suminishanya na imwe. Iyo, cibe ukutali kuli ine ukucita cilya! Nshilentonkanya imwe mukatala ukusenda tepu iyo ine natalile ukwitapo ishina lya muntu uuli onse. Icili, nalyumfwa ukutila nshita shimo umuntu alilufyenye, lelo cilya cali pakati ka bena na Lesa. Lelo cinshi icalubana, mu musango walubembu kabili. . . Kabili ukukana umfwana inshita inshingi tacaba ulubembu, caba fye ukukana umfwana kwa bantu. Kabili ine—ndetontonkanya cila umo muli ifwe alikwata insambu ukuilondolola fwebene ku kwiluka kwesu.

⁵⁸ Nomba uyu Kalenga umukalamba abikile umwana Wakwe uwalengwa. Nomba, Adamu ali umwana wakwe uwa ntanshi

uwalengwa Wakwe. Yesu ali Umwana Wakwe *uwafyalwa* eka, mwamona, Ena afyelwe ku mwanakashi. Lelo Adamu aishilefuma fye kukuboko kwa kwa Lesa, mukulengwa.

⁵⁹ Nomba headquarters, pamo no mwana Wakwe—Wakwe kabili nabwina wa mwana Wakwe pali fyonse, camoneke icapwililika nganshi. Kwaliko u—umuntu, intungulushi ya fintu fyonse filya, umwana Wakwe Umwine na nabwina Wakwe.

⁶⁰ Kabili mbuto yonse yali iyapwililika, utuncindu, kabili imitelebinti, kabili ne fyani, kabili ifyuni, kabili ne finama. Kabili ifintu fyonse fyali mubutantiko ubwapwililika na Mafunde yakwa Lesa, “Mwipilibula icifyalilwa cenu. Fimeshe umusango wa fiko, cila mbuto! Umutelebinti, wikesha ukutala ukupondamika mu cimuti capopo.” Mwamona? “Utuncindu, tatwapondamikwa mu cintu cimbi. Lelo mbuto yonse mu musango waiko!” Kabili Ena akwete—Ena alolekeshe cena ukupita mu nshita.

⁶¹ Kabili Ena alandile Cebo. Kabili Amaka Yakwe ayakulenga ayakalamba yalengele ifi fintu ifyaishile, kabili nangula umwaume no mwanakashi. Kabili bena bali ntungulushi pantu bena bali i... bena bali abapulamo ku mitundu yonse iyashala. Kabili Ena ababikile nakabili mukusakamanwa kwa cintu cine ico Ena abikile fimuti, ifinama, kabili na fimbipo: Icebo Cakwe. Bena tabalingile ukutala, nangu cibe shani, ukutoba cilye Cebo. Bena balingile ukwikala Kulya. “Mwikesha ukusenda icintu icili conse ukufuma kuli Cena, nangu ukulundako icintu icili conse kuli Cena! Imwe mulingile ukwikalila ne ci Cebo.”

⁶² Kabili ilyo lyonse ilyo kulyo kulengwa kwalitwalilile ukuba filya fine, Nkashi Shakarian nga ena tele muno lucelo, ilyo lyonse cena cabu muly ulyo musango, ubunonshi ubukalamba ubwakwa Lesa! Cilya eco twacetekela ico ifwe tuleyako. Ifwe tulewelela kuli cilya cifulo, ilye ncende.

⁶³ Kwisa? Lulyo lucelo ulwalenga cinelubali, ilyo Lesa alolekeshe pali cena conse, kabili Atile, “Cena cisuma. Ine—ninsekeshiwa na cena. Ee, ine—ine—ndi nensansa nalicicita cena. Kabili cena conse nomba cili mukutungululwa. Kabili nimbika isubilo mu mwana Wandi pamo no mukashi wakwe, ukutila—ukutila bena bali; ukubalenga intungulushi isha fyonse bena bali, ukutila bena bali no kulolekesha pali conse cena no kumona ukutila cena conse cili fye bwino, ukutila ifintu fyonse fili nokuleta umusango wa fiko. Nomba ena alikwata amaka ukucita cilya.” Lesa lyena atile, “Cisuma, nga cena conse cisuma nganshi, kabili cena tekuti cibe cintu cimbi, pantu cena kukabila kwandi ne Mwine. E musango ndefwailamo cena. Kabili nalilanda cena ulya musango, kabili Ifyebo Fyandi fyalileta cena filya fine fye umusango

ndefwailamo cena. Kabili cilya cili palya. Cena conse cisuma!” E ico Baibele itila, “Lesá atushishe ubushiku bwalenga cinelubali, ukufuma ku milimo Yakwe yonse.”

⁶⁴ Kabili ifintu fyonse mukutungululwa, ukuleta umusango wa fiko. Nomba ibukisheni, “ukuleta.” Ilyo Ena abikile mbuto mu mushili, imbuto kuti yamena fye na maka ya bumi mukati ka yena, ukuisangula ukufuma ku mbuto ukwisa ku cilimwa, atemwa fyonse ifyo yena ili. Amaka Yakwe ayakusangula! Nomba, Lesa abikile mbuto mulya, na maka ukutula yena kuti yaba ifyo Ena asosele Yena ukuba. Kabili ilyo lyonse ilyo yena yaikele mu ncende yakwe iyalinga, yena kuti yaba fye filya fine ifyo Lesa asosele yena ukuba. Yena yalingile ukuba ulya musango, pantu Ena ailengele yena ukuba ulya musango, no kupanga umwakupita. Ukutula, icintu icili conse ico cikala mu nshila Yakwe, mu mushilwa Wakwe uwa Cebo, cena cili no kuleta filya fine nge fyo Icebo Cakwe casosele cena ukucita. Cena tekuti cisele ukufuma palya. Cena calitantikwa fye filya fine bwino. E ico, ne fintu fyonse mukusubilwa mu mwana Wakwe wine, ukutula cali no kuba ulya musango, elyo Lesa atile, “Cena conse cisuma, e ico nalatusha fye. Kabili cila imo iya shilye mbuto naikwata amaka muine, ukuisangula iine mu cilimwa ico ndekabila yena ukuba. Cilya efyo yena ilingile ukuba, pantu nimpela imbuto yonse amaka ayakuisangula, ukuipanga ukufuma muine, mu maka yaiko nomba ukuipanga ukufuma mu iine filya fine ifyo mfwaya yena ukuba.”

⁶⁵ Lesa tatala pilibuka. Umusango umo wine ilelo nge fyo Ena ali lilya! Lesa ali uwapimpa ukucite cintu cimo. Ena ali nokucicita. Tapali nangu cimo icinga mukanya Wene. Ena ali no kucicita cena!

⁶⁶ Nomba panuma ilyo fyonse fyaba bwino nganshi no kubikwa mubutantiko, Lesa ali uwashininkisha nomba ukutula ici conse kuti caba fye bwino, kabili elyo, ilyo Acitile, elyo kwaishile umulwani. Nalaya uku... Lesa apele amaka ukuisangula. Kabili nalaita uyu muntu, na maka te ya ku—te yakulenga nakabili, lelo ine... Ena akwete amaka yakulemanika, te ya kusangula; lelo kulemanika. Nomba, icintu icili conse icalemanikwa cilasendwa ukufuma mu mibele ya ciko iya ntendekelo, kuliko cintu cimo icile mucilubo na cena.

⁶⁷ Imo imyaka yapitapo, mukulonda, ukuya ukupita mu filimwa fya nyanje. Ine kuti natontonkanya pali, kwaliko umusambo uyo wakontweke ukufuma ku cimuti, kabili waliponene pa mupeti wa nyanje. Kabili umupeti waleesha mubusuma wa buko ukwima no kololoka nge fyo walingile ukuba, lelo wene walilemanikwe pantu ukutula icintu cimo calicitike. Kabili akamuti kalikele pali wene.

⁶⁸ Elyo tulesanga icitabilila ca mu mpanga mucilimwa. Icili, mwe bengi imwe mwe baume muno, kabili nalimo imwe mwe banakashi... nga imwe mwafuma ku Kentucky. Abanakashi kulya babomfya ulukasu umusango umo wine nga baume, balaya mwibala naka—nakakasu, ifwe tuleta akalukasu akakale aka mukoshi wa coso, no kuputaula i—icitabilila ukufifumyako. Pantu, nga imwe tamufumisheko filya ifitabilila, uko inyanje shali mu mushilwa, nge *fi*, lyena icitabilila kuti cafikapo, no kwikatilila kuli ilye nyanje, no kuipomba icine panono panono, ukwanguka nganshi, ubucenjeshi nganshi, icakutila iwe tekuti wishibe cena calepomba. Kabili mukulekeshana cena cilakwatilako amaka no kukwata amaka, kabili cena cilatinta ilye nyanje mpaka yena yalemanikwa. Ukuitinta yena ukuisusha iine, ukupomba yena mu mwanganshi wa iko ine; ukuilemanika ukufuma ku fyo yena yaba, ku cintu cimbi. Lelo, yena ni nyanje, lelo ni nyanje iyalemanikwa.

⁶⁹ Kabili ifwe bonse tucili mucipasho cakwa Lesa. Lelo bamo balilemanikwa nganshi, nga bana bakwa Lesa, abo abenda ukupusana ku Cebo Cakwe kabili ku nshila Yakwe iyo—iyo Ena atukwatile no kutupela ifwe ukwendamo. Ukubike cintu cimo, isonde lilatufumya ifwe mu nshila, lilatuntintila mupepi kuli yena, kabili ukututalusha ukufuma kuli ilya iya loloka, inshila ya kafyemfye iyo ena atubyalilemo ifwe, ukuba abana baume na bana banakashi bakwa Lesa. Ulubembu nalucita ici cintu cabipa ku bana baume na bana banakashi bakwa Lesa.

⁷⁰ Kalemmanika! Ninjishiba ici cilemoneka ntile iceni ukulanda pali cena muli uyu musango, “Uyu—ukulemanika,” lelo filya eflyo ena ali; ena alilemanike, atemwa ukupondamika. *Ukupondamika* cipilibila “ukupilibulwa umupwilapo, ukupanga icintu cimo mukupusana.” Kabili *ukulemanika* caba icintu cimo cine, ukutula cena naciletwa kulya no kulemanikwa, kabili “ukupangwa mu nshila imbi.” Lelo nomba cicili imbuto imo ine, lelo yena yalemanikwa.

⁷¹ Nomba tulesanga ukutula uyu kalemmanika nao alikwata umusango umo wine uwa nshita, kukulemanika, nge fyo Lesa akwete kukusangula. Nomba abyele mbuto yakwe, atemwa, tatalile ukubyalimbuto yakwe, ena... Mwibala lya Edeni. Ukutula ilya nshita, ena alikwete imyaka amakana mutanda iyakulemanika Mbuto yakwa Lesa, Icebo cakwa Lesa; ukulemanika Cena, ukulenga Cena icintu cimo icaibela; ilyo ena... inshita yakubalilapo iyo Efa aumfwile kuli ena, no kusenda umwine ishiwi fye limo ilinono.

⁷² Ibukisheni, intanshi Satana alumbwile lilye Lembo palwalala fye nge fyo lingaba, “Lesatule ukuti, ‘Imwe tamulingile ukulya ku cimuti conse mwi bala lya Edene?’” Mwamona? “Imwe tamulingile ukulya ku cimuti conse?”

⁷³ Kabili ibukisheni nomba, Efa atile, “Ee, ifwe kuti twalyako ku muti onse; lelo umuti uuli mukati ke bala, ifwe tatulingile ukukumyako.” Nomba lolekesheni wene, mu mbila yakwe, ukupilibula cilya Cebo panono fye. Mukusosa... Efa atile, “Pantu Lesa atile, ukuti, nga twacita ici, bulya bushiku ifwe ‘tukafwa.’”

⁷⁴ Atile, “Owe, mucine imwe ukufwa ta mwakafwe.” Mwamona, ena ali u—umuntu, atile, “Iwe, iwe cita ici nomba. Kabili, imwe, imwe mwaba nga bantu abatutu. Imwe, mucine, imwe tamwaishiba ifintu fyonse. Lelo nga imwe kuti mwalyako fye kuli ci, lyena imwe kuti mwakwata amano, imwe kuti mwakwata ukwishiba. Imwe kuti mwaishiba icalungama ukufuma ku cilubo nokuba nge milungu, imwe, nga imwe kuti mwakumako fye kuli aya mano ayo nakwata. Nalishiba, lelo imwe tamwaishiba.”

⁷⁵ Ici, cena cili fye bwino ukukwata amano. Lelo nga mano yali ayapusana, nga mano tayali amano ayalungama ukufuma kuli Lesa, amano ya bulesa, kabili yaisa amano yacifyalilwa; nshilesakama amano ya science twakwata, kabili na fimbipo, atemwa amasambililo, yena yakwa Kasebanya. Nalashininkisha cena kuli imwe, Shikulu ngasuminisha, muma miniti ayanono. Yena yakwa Kasebanya.

⁷⁶ Ubuyantanshi bwakwa Kasebanya. Napwishishe fye ukushimikila pali cilya. Intambi shonse mwi sonde, amaka yonse aya science, ne fintu fyonse, fyakwa Kasebanya. Yena ni mbila nsuma yakwe ena ashimikile, iyakwishiba, mwi bala Iya Edene. Kabili ena alisenda kulyo kwishiba, ukwishiba ukwapondamikwa, ukupusana ku Cebo no bufwayo na mapange yakwa Lesa. Kabili nomba ena alikwete imyaka amakana mutanda ukucita fye filya fine ifyo Lesa acitile, mu musango fye uwapondamikwa, kabili asendele umusango umo wine uwa nshita ukuletamo Edene wakwe. Nomba ena nakwata Edene pano pe sonde, kabili yena intu yaisushiwamo na mano, ukwishiba. Ilya yali ni mbila nsuma yakwe pa ntendekelo, ukwishiba, amano, science. Lesa tatala ukubombela kuca filya. Kabili ine—ndefwaya imwe mulolekeshe pali miniti. Ena acitile ici, kabili pantu ena ali umuntu uwa mano ya pe sonde.

⁷⁷ Nomba, cena cintu cakosa ukusose ci. Cena cili—cena cili icakosa nganshi, pantu ukulanda ku bantu abo abomfwa umusango umo wine ncita, kabili umusango nabelamo pa myaka ingi. Lelo ukutula ukwisula kwa filya Fikakatikilo Cinelubali, pali balya ba Malaika kunuma fye ya mpili kulya, *Ili* Iya sanguka Ibuku lipya. Cena fintu ifyo fyali ifyafiswa, filesokololwa nge fyo Lesa alaile mu Kusokolola 10, Ena ali nokucita cena. Kabili ifwe tuli abantu abashuka abo Lesa asala, aba pesonde, pa kutila twingamona no kwiluka ifi fintu; ico cishaba akashimi kamo, amano ya buntunse aya

muntu ukweshwa ukucipanga. Cena Cebo cakwa Lesa ukulenga ukumonekela, ukushininkisha, ukutula Cena cili icalungama. Ukushininkishiwa, te kuli science; lelo na Lesa, ukutula Cena cili icalungama. Lesa, nge fyo nasosa kale mu mbila, Lesa takabila nangu umo ukwilula Icebo Cakwe. Ena alailwila Umwine. Ena alasosa cena cikacitika, kabili cilacitika. Cilya cili, Ena—Ena alashininkisha cena, cilya e cilula cena.

⁷⁸ Imyaka inono iyapitapo ilyo, ifwe fwe bantu ba pentecostal, ilyo shi—shimbi nkuta shatwebele ukutula ifwe twali “abafulungana,” ifwe “tekuti tucite, Mupashi wa Mushilo cali cintu ca kale.” Lelo twaishilesanga ukutula ubulayo bwakwa Lesa bwali kuli uyo onse ulefwaya, kabili nomba ifwe natwishiba ukupusana. Mwamona, kabili cilya ni panono panono, ici cintu calisuka.

⁷⁹ Kabili nomba Ena alaile ukutula inkama isho shali ishafiswa muli filya, shonse shilye nshita sha nkuta, shali nokusokololwa kulya kwine ku nshita ya mpela. Kabili Ena aleka ifwe twishibe nomba. Ifwe tuli pa nshita ya mpela. Ifwe tuli pano nomba.

⁸⁰ Nomba, Satana e mwine wa buyantanshi. Ena e mwine wa science. Ena e mwine wa masambililo.

Mwatila, “Bushe cilya cinshika?”

⁸¹ Cisuma, lekeni tubelenge mu Cebo cakwa Lesa nomba, Ukutendeka 4, kabili lekeni tubwelelemo no kumona fye pali miniti. Ninjishiba ine limbi, nga nakokola sana, Munyina Carl nalimo alanjeba. [Umo muntu atila, “Cena cili fye bwino.”—Ka.] Lelo nomba ukutendeka, icipandwa ca 4, kabili na vesi ya 16, ileya pantanshi ukutweba pano, mu Kutendeka, ifyo Lesa acitile pa kutula, ukubika icitipu pa mwaume no mwanakashi, na bonse abo abali nokucita; kabili te *citipu* pali bena, lelo ukubeba ico cali nokucitika, no kutipa umushili pa mulandu wakwa Adamu. Kabili tulesanga ukutula pano nomba, ukutula Efa alikwete babili ba mpundu. Kabili umo uwa bena ali uwakwa Satana, kabili umo uwa bena ali uwakwa Lesa.

Nomba mwatila, “Owe, iyo! Iyo. Nomba, Munyina Branham!”

⁸² Pali miniti fye. Mfwailako Ilembo limo, apali ponse, ilyo lisosa ukutula Kaini ali umwana wakwa Adamu. Nala mulangisha mu Malembo uko Yena itila, “Kaini ali ulya uwa mubifi,” te Adamu.

⁸³ Nomba moneni ilyo ena aimate pano. Ifwe tuletendeka pa cipandwa ca 4, intanshi.

Kabili Adamu aishibe...umukashi wakwe; nao aimita, afyala na Kaini, no kutula, ni mpokelelo...ena atile nomba, ni mpokelelo mwaume kuli Yehoba.

⁸⁴ Mucine, calingile ukuba. Te mulandu nga cali ni cilende atemwa icintu icili conse, cena cilingile ukwisa ukufuma kuli Lesa, mwamona, pantu ilya e mbuto Yakwe, cena lifunde lya mbuto Yakwe, yena ilingile ukuleta nga cakutila yena ni mbuto iyalubana, imbuto iyapondamikwa, atemwa fyonse ifyo cena cili. Yena ilingile ukuleta, ifyo fine. Lyena lifunde Lyakwe.

Elyo abwekesha ukufyala munyina Abele.

⁸⁵ Takuli nakabili ukwimishiba wene. Adamu aishibe umukashi wakwe, kabili wene afyele Kaini kabili abwekeshapo ukufyala Abele, ba mpundu. Satana ali pamo nankwe lulyo lucelo, Adamu cilya cungulo.

⁸⁶ Mulemona ifikansa ifikalamba mwi pepala umu, ndecetekela, mu Tucson nomba ulya umwanakashi uwafyele umwana umusweshi kabili no mwana uwabuta, panshita imo ine. ena aikele no mulume wakwe lulyo lucelo, kabili umwaume cilya cungulo. Kabili umwaume ali no kusakamana, umwaume uwabuta atile ena ali no kusunga umwana wakwe umwine, lelo umwaume umusweshi ali no kusunga umwana wakwe wine. Mwamona? Nalishiba cilya, mukufyalwa kwambwa kabili na fimbipo, cena mucine cili no kucitika, nga cena ma ora ayanono panuma. Ici cilashininkisha ici.

⁸⁷ Nomba mukulangisha uko buyantanshi bwafuma, nomba lekeni tubelenge Ukutendeka kuno lubali, mu cipandwa ca 4 ica Kutendeka nakabili, no kumona ni kwisa. Vesi ya 16.

Awe Kaini afuminepo pa cinso cakwa Lesa, ayaikala na mu calo ca Node, ku kabanga ka Edene.

Kabili Kaini aishibe umukashi wakwe; kabili alimite, no kufyala Enoki: akulile no mushi, nokwinika ishina lya mushi, umwabele...umwana wakwe umwaume Enoki.

⁸⁸ Ubuyantanshi bwalitendeke. Doctor Scofield, pano muli Baibele yandi iya Scofield, itila, “Ubuyantanshi bwakubalilapo.” Moneni, elyo afyele abana baume, kabili bena bapangile fimpeta ne nyimbo. Uwakonkelepo afyele abana baume, kabili ena atendeke ukucita ifintu fimbi, ifipeshamano, kukule misumba, kabili—kabili ukupanga ifyela fya butale, ne misango yonse iya fintu. Mwamona, filya efyo acitile, aishileba ubuyantanshi bwakubalilapo, ubo bwali ubwina Kaini. Ena alicita icintu cimo cine ukupita mu nshita.

⁸⁹ Nomba lekeni tuleya kulya na vesi ya 25, no kumona ico cakonkelepo.

Kabili Adamu abwekeshapo ukwishiba umukashi wakwe, nomba, nao afyele umwana mwaume, amwinika ne shina Sete: Atile Lesa, na mbikilo bufyashi bumbi mwi punda lyakwa Abele uo Kaini aipeye.

Na Sete...nakuli Sete, nao kwafyelwe umwana mwaume: nga amwinike ishina lyakwe Enoshe: lyena kwalitendeke ukulilila kwi shina lyakwa YEHOPA. (ukufuma kulubali lwakwa Sete, te kulubali lwa bena Kenani).

⁹⁰ Mwamona, yalya mano ayakalamba ayo ifwe bonse twikatililako! Ni cinshi communism ilelo, nani umulungu wabo? Cena mano, science. Ni cinshi ico tulecita, nangu cibe fyo? Ni pesa apo tubelele? Tontonkanyeni pali aya mashiwi ilelo.

⁹¹ Nomba ena nakwata umusango wakwe wa Edene, Satana alacita nomba. Muli iyi myaka amakana mutanda, ena alipanga (te kulengwa), lelo alemanike isonde lyonse ilyakwa Lesa; ifibumbwa fyakwe, ifinama, ukutobenkanya, ukusankanya; ifimuti, ifilimwa, umuntu; nangula kuli bukapepa, Baibele, ulukuta; mpaka aliikwatila umwine ituntulu ibala lya Edene, ilya science, ifintu fyonse ukwendela kuli science. Ba motoka besu, ifintu fyonse ifyo twakwata, fyapelwe kuli ifwe na science, ifyo muntu acita. Kabili ena alikwata Edene wakwe umukalamba pano; ukushininkisha Imbila ili pa nshita, ukushininkisha ukutila te nshita imbi kano Kusokolola 10! Lolekesheni pa kusankanya ilelo, ukupanga iyawamisha, atemwa, iyaembesha, te yawamisha. Lolekesheni pa bana abanono ilelo.

⁹² Nalikwete umwana wandi umwanakashi ukuya kuusokola ameno, mailo, kabili atile ameno yakwe yalesunkana. Munyina kulya mu Tucson, Munyina Norman, akwete umwana wakwe umwanakashi umunono, kabili ameno yakwe yalesokoka. Kabili usokola ameno atile ukutila ili line, ena alicetekela, kutila nalimo mu nshita ishileisa, ukutila abantu bakalafyalwa, ameno ukumenena apali ponse. Cena fyakulya ifyo tulya ifya kulya fya kusankanya.

⁹³ Bushe mwalibelenga Readers Digest, umweshi wa fumineko, pali Billy Graham, kashimikila wa mbila nsuma uwacindama? Bushe mulomfwa kuli wene? Ndamupepelako nomba ukucila lyonse. Ilyo alandile kuli balya aba nteneshi ishapingulwa, kabili na fimbipo, inshita imbi iya bushiku, ukubika cena muli ulya shimapepo. Icintu cimo nacicitika kuli wene. Bumo muli ishi nshiku, ndesubila ena ali nokumona icifulo cakwe apo ena abelele, moneni, nomba aleita ukufuma ku Sodoma, ulyo musumba wapondamikwa. Kabili nomba moneni ici muli Readers Digest, Billy nanakuka nganshi icakutila ena tekuti akwate ukulongana kwakwe. Kabili bena balimwebele ena alingile ukubutuka, ukutukusha umubili, kabili na fimbipo. E ico ena alabutuka mailoshi cila bushiku, ndecetekela eflyo cili, atemwa icintu cimo, ukukwata ukutukusha umubili.

⁹⁴ Umuntu alibola. Umutundu onse uwa bantu walibipa. Ifintu fyonse fili kwati nge fyo cali mu nshita ye lyeshi. Cena umupwilapo nacipilibulwa, ukwalulwa, ukupusana ukufuma kuli ulya mulongo waololoka uo Lesa abyelemo ulubembu, ukupitila muli science no kubepwa, nafipondamika umutundu onse uwa bantu.

⁹⁵ Bushe mwalibelenga na cimbi pe samba fye lya lilye lyashi, apo lyasosele, “Muli ishi nshiku, ukutila abakashana abanono na balumendo bali mucimo cabo capakati, ukulingana ne mipangilwe ya mibili, pakati ka makumi yabili ne myaka ya kufyalwa amakumi yabili na fisano.” Tontonkanyeni pali cena.

⁹⁶ Mu kulingulula inshita imbi iya bushiku, nalisontele umukashana ne myaka ya kufyalwa amakumi yabili na fibili, mukuleka ukuya kumpepo. Nalimwitile. Kabili filya efyo doctor wakwe amwebele.

⁹⁷ Mwamona, yena intu yawa, ilyabipisha, umutundu uleya kumbo uwa bubole. Ninjishiba cilya tacileumfwika icisuma. Lelo cena ca muli Baibele, mwamona, cilya cena cishinka; kabili uno mutundu uo tuleikalamo, iyi nkulo ya bantu.

⁹⁸ Nomba moneni ilelo, mukusankanya ingo'mbe, ukusankanya ifilimwa; kabili science ilebwela nakabili, science cimo cine, itila, “Cilya e cileonaula umutundu onse uwa bantu.” Imwe mulabelenga cena umusango umo wine uo ncita. Cisuma, cinshi teti ico teti baleseshe cena? Ni pa mulandu bena tekuti bakanye cena. Icebo cakwa Lesa casosa ukutila cena cikaba ulya musango. Lelo bena nga kuti batontonkanya pali miniti, bena baba ifibombelo, nga Yuda Escariot, ukubika filya fine icintu ico Lesa asosele cena cikacitika. Cena cilecicita filya fine pa milingo yabo abene beka iya science.

⁹⁹ Kukufwailisha kwa science kwakwe, mu cipasho cimo cine ena abepele Efa, ena nakabili nabepa ulukuta, ico kulya Efa ali icipasho. Nomba, nomba Adamu icipasho kulya nakabili, atemwa Efa, ntile, ica lukuta, moneni ifyo cena cacitile. Ukupitila mukululumba palwa kwishiba, ena acilwike umushilwa pakati ka calungama ne cilubo, pa kumfwila pa kupondamika kwakwa Satana, atemwa ukulemanika, ukwa ca ntendekelo Icebo cakwa Lesa.

¹⁰⁰ Kabili nomba inkuta ilelo shaba ishalemanikwa. Nomba nshilelanda palwa bantu, umo umo. Ndelanda palwa lukuta lwe sonde. Lumo lwali pilibwilwa inshila imo, kabili lumbi lwalipilibwilwa imbi, kabili, kuli science. Icakumwenako cimo cine ico acitile. Ena alibomba icintinya cakwe, Satana alicita, muli Esaya 14:12.

¹⁰¹ Natubelenge fye cilya pali miniti. Mwi Buku lyakwa Esaya, lekeni tutendeke ne cipandwa ca 14, vesi ya 12.

Ifyo wapona ukufuma mu mulu, We Lucifa, umwana mwaume wa macaca! ifyo wakungukila panshi, we watembawishe nko!

Uyu ni Esaya ale mumona wene mucimonwa, mwamona, mu nshita ileisa.

Iwe we wasosele mu mutima obe ati, Nkanina nkaya mu mulu, nkatumpule cipuna candi ca bufumu ukucila pa ntanda shakwa Lesa: nkekala na mulupili ulwa lukuta. . . mu mpela ya kukapinda ka kukuso:

¹⁰² Ipange lyakwa Satana, ukufuma mu Edene, cali ukuipangila mwine Edene; no kuisansabika umwine pa mulu, pa kutila intanda shakwa Lesa shingalamupepa ena, abana bengamupepa ena. Kabili ena mucine nacicita nombamba, kabili ilyo ena acitile ici no kuleta cena mulukuta. Ico, nshaye muli fyonse. Uuli onse muli imwe uyo umfwa kuli yalya matepu alishiba palwa cena. Ukutula, ilya ni filya fine ora iyo tuleikalamo, kabili cena ni Satana uyo wacita cena ukupitila mubutantiko bwa masambililo, ukulinga ukusuma, *ici* icawama, *cilya* icawama. Kabili ukwabula ukwishiba, yonse nshita, bena baleenda fye ukulola mu mfwa. Abapofula, ukutungulula impofu, intungulushi impofu isha nko, intungulushi mpofu isha science, intungulushi mpofu sha lukuta, impofu ukutungulula abapofula. Yesu atile, “Balekeni beka, bonse babili bakawila mucilindi.”

¹⁰³ Pano moneni icipasho caba Edene babili ukupalama nganshi mucipasho ca pamo, mpaka mupepi nokubepa Abasalwa bene. Mateyo 24:24 itila ukuti cena cikaba ulya masango. Lelo ndefwaya ifwe twiminine pa nshita inono no kutontonkanya pali aba ba Edene babili, kabili icintu cimo maka maka, ifyo Baibele itweba cilya Cebo cakwa Lesa icaletele ilya Edene, kabili ifyo Icebo cakwa Lesa citusoka ukutila Edene imbi ikesa.

¹⁰⁴ Nombamba, ifwe na cimbi twalishiba ukutila kulingile kwaba naimbi Edene, nga ifwe nakabili tuli no kumfwila kuli kasesema, Paulo, muli II Tesalonika icipandwa ca 2. Kuti nabelenga Yena nga mulefwaya ukucita.

Uyo uwisansabika umwine; bulya bushiku tabwakese, ubwakwa Shikulu, mpaka ulyo muntu walubembu akasokololwe, . . .

. . . Uyo waikala mwi tempile lyakwa Lesa, aleisansabika umwine pali conse icitwa Lesa, pa kutila ena nga Lesa aleshinshimunwa nga Lesa.

¹⁰⁵ Tontonkanyeni pali cilya! Nombamba Esaya 14, kasesema atile ukuti alimwene “Lucifa, mumutima wakwe,” ukupitila mu cimonwa mukuputwa kwa kuli Lesa, “ukusosa ena ali no kucita cilya.” Muli Esaya, imyaka imyanda cinekonse konse ilyo Paulo talabako, atemwa mupepi lilya.

¹⁰⁶ Nomba pano, imyaka imyanda cinekonse konse panuma, Paulo alemumona ena, ukwisa ku cifulo cakwe. Moneni, cena cilatungulula, Edene wakwe; Edene wakwe uwa science, ne sonde lyakwe ilya science, no lukuta nabwinga lwa science, fyonse pe samba lye—lye shiwi lya “ukwishiba,” ba seminariabakalamba, ba degree abakalamba, imitantikile ya masambililo.

¹⁰⁷ Umfwa, munyina, nkashi, cila umo uwa muli ifwe tuli no kwenda ilya nshila iyo Florence aendelemo. Ndemipusha, mwi Shina lyakwa Yesu, ukutontonkanya Ici. Te kutontonkanya pali ine. Ine ndi munyinenwe. Cilya, cilya te co. Tontonkanyeni Cebo ico ndelandapo, ca Baibele yakwa Lesa. Kabili lolekesheni monse, ukushininkisha umupwilapo mu Cebo cakwa Lesa Umwine, mu nshita iyo tuleikalamo, ni pesa apo tubebele.

¹⁰⁸ Aya mabutantiko yena mucine ni munkanyakristu, muyene. Nomba, ena alingile ukukwata Edene, ena atile ena ali no kucicita. Pano pali Icebo cakwa Lesa icanguka cilesosa ena ali no kucicita, kabili pano ifwe tulelolekeshu kunse no kumona wene ukucicita cena. Ena nacita cena no wakwe uwa masambililo, ya science, nabwinga wacilonganino. Ena ali no kumfwila, bumo muli ishi nshiku, mu Kabungwe ke Sonde Ka Machalichi ako akakesaimikwa. Bonse bakaba pamo na ena. Ukwesha . . .

¹⁰⁹ Abantu, te pa mulandu wakutila bena bantu ababi; bena balibyelwe muli ulya umushilwa uwaololoka, nge nyanje, lelo Satana abyele ifitabilila, ifitwa science, ukufwailisha, amasambililo, ba degree ba bu doctor. Nshita shimo bena takuti ba musuminishe mucintamba kano fye imwe kuti mwabalangisha degree wa bu doctor ukufuma ku seminary imo ku cifulo cimo. Kabili fyena fyonse cilubo! Te bantu; cena butantiko ubo bwalubana. Kabili nomba ni cinshi cena cacita? Cena nacilongana nakabili, nokuleta isonde lyonse (ukupitila mwi bumba lya kusankanya, ukupondamika ukwa Mbuto yakwa Lesa iya ntendekelo) ku cimfulumfulu na cimbi ica mfifi.

¹¹⁰ Lelo ndi uwansansa nganshi ukutila Lesa ali uwaposako amano nakabili kuli ifwe, ukutila Ena nalyo line kuti aenda pa cinsu ca filecitika. Ena alilaile Ena ali nokucita cena, no kwita umukuni unono uyo uli nokuba Nabwinga Wakwe.

¹¹¹ Moneni nakabili pano, ifyo kupwililika ishi nkuta shipashanya, pali aba ba Edene.

¹¹² Lesa, ukupitila mu Mbuto ya Cebo Cakwe! Kabili kwaba fye cintu cimo ico cingapela umweo Icebo, kabili ulya waba Mupashi, pantu Wena e Kapela wa Mweo ku Cebo. Kabili ilyo Umweo mu Cebo wakumanya Umweo wa Mupashi, Cena cilaleta fyonse ifyo Mbuto ili.

113 Nomba moneni ico cacitike. Mwi bala Iya Edene mwali ubunonshi ubwakwa Lesa ubwa bukale, kabili ilya yali ni imo iya—iya bupyungishi. Ubupyungishi bwa ntanishi bwali bukale, abantu tabaishibe ulubembu. Bena tabaishibepo nangu cimo palwa lubembu. Bonse babili Adamu na Efa bali ubwamba, lelo bena balifishilwe mukuba ubwambwa, ku cifimbo ca mupashi pa cinso cabo. Bena tabatalile ukwishiba ukutila bali ubwamba, nakalya, pantu balifishilwe. Pantu, icifimbo cakwa Lesa mu mano yabo abene, bena tabaishibe ico cali icalungama ne cilubo. Kabili bena bonse babili ukwiminina kulya ubwamba, balangishe ukutila ukwishiba kwali takulati kwise kuli bena, mwamona, ukutila bena bali ubwamba. Aba babili bali ubwamba kabili tabacishibe.

114 Nomba nga mwapilibula, nga mulefwaya ukucita, atemwa ukulemba cena, ku Kusokolola, icipandwa ca 3. Mupashi wa Mushilo ukulandila kabela ino nshita yakulekelesha, kuya Laodikea Inshita ya Lukuta Iwa Pentecostal mu nshiku shakulelekesha, Atile:

. . .uli ubwamba, kabili mpofu, kabili tawacishiba.

115 Ilya palya Imbuto yakwa Lesa, ukupitila muli bukale, ukwabula ukwishiba nakalya bena bali ubwamba, ukupitila mu cifimbo ca Mupashi wa Mushilo, ukubafimba ukufuma kulubembu.

116 Kabili nomba mu nshita ya lukuta lwakulekelesha, ifwe tulesanga kuno ukutila bena bali ubwamba nakabili, kabili tabacishiba. Lelo cena te cifimbo ca Mupashi wa Mushilo. Cena cifimbo ico Satana abikile kunuma yakwa Efa kulya, icifimbo calunkumbwa, icifimbo calunkumbwa. Bena bali abakowela nganishi mpaka bena tabeshiba ukutila bena bali ubwamba, abanakashi besu mu musebo, nafwala bakaputula, indelesi ya bulalelale.

117 Umo muntu alintumine iciputulwa mwi pepala ubushiku bumbi, pali iyi ndeshi ipya iyo bali no kulafwala, ndeshintonkanya, ama inchi ikumi limo na yasano ukufuma mu ntungu, atemwa icintu cimo. Kabili ndesunguka nga besu—nga banakashii besu tabeshiba ukutila cilya cifimbo ca lunkumbwa?

118 Nomba imwe—imwe kuti mwasosa, “Kuti nashininkisha, ku cinso cakwa Lesa, kuti ndi uwakale kubuncende ubuli bonse ku mulume wandi, atemwa ine—ine. . . fyonse fi.”

119 Lelo nalyo line, pa Bupingushi, iwe uketwa “umucende.” Baibele eflyo yasosa. Yesu atile, “Uyo onse ulolekesha pa mwanakashi ukumukumbwa, na cita ubucende na ena kale mumutima wakwe.”

120 “Impofu, ubwamba, kabili tabacishiba!” Te balya abanakashi abanono aba busu kunse kulya; tapaba nangu cimo ico nakwata ukususha bena. Cena ni ulya umubifi! Kabili

imibombele ya lukuta ilemoneka ukufilwa ukwishiba cena atemwa ukukanya cena; lekeni bena babeye imishishi yabo, baisube sube, na bakaputula ne fintu, ukupitila mwi Shina Iya Bwinakristu. Ifyo caba icintu cabipa cena cili! Mwamona, bena bali ubwamba nakabili, mu Edene yakwa Satana, kabili tabacishiba. Bena tabacishiba.

¹²¹ Ndecetekela ndemona, nalimo, ukulolekesha ukuciluka kuno, icishiba cakusambilamo icakowelamo, ukutila abanakashi kulya kunse nomba. Nga ulya umwanakashi kuti aishiba fye ifyo ena alecita, lelo ena tacishiba cena. Ena ali ubwamba. Umubili wakwe wa bukata. Ena alafulako ifyakufwala fyakwe ifyo Lesa amufwikako, ne nkanda, kuli ino nkulo. Ena lyonse alaputulako yena. Ena ali ubwamba, ukupitila mwi shiwi Iya “ubuyantanshi, amasambililo ayapa mulu, ubuyantanshi ubwawamisha, ifisumino fyapulishamo.” Lekeni mbe uwashininkisha ukutila ici caingila mukati. Cena conse cakwa Kasebanya, kabili cikonaulwa pa Kwisa kwakwa Shikulu Yesu. Cena cikonaulwa, conse ica cena. Takwakabeko icintu nangu cimo icikashala.

¹²² Kabili, owe, we munandi, mukati ka nko, Ilyo lenkutika ine kuno ku Phoenix, tontonkanya pali ifyo fintu! Iwe uli uwakumako kuli fyena. Nomba Yesu atile, “Cena cikabepa Abasalwa nga cabe cingacitwa.”

¹²³ Umupashi wakubalilapo wali i . . . icifimbo ca ntanshi cali icifimbo ca mushilo, Mupashi wa Mushilo, kabili ena talingile ukulolekesha kunse kuli Cilya. Lelo Ilyo—Ilyo Satana atendeke ukulanda kuli ena palwa kwishiba, ena akwete fye ukulengela panono kwi sonde.

¹²⁴ Kabili filya ni filya fine fye ifyo mwana wakwe umwanakashi, ulukuta, lwacita. Imwe mulingile ukumona, imwe mulingile ukufwala nga umu kangala wa pa bunkolanya, atemwa abaume abacaice balingile ukucita nga Elvis Presley atemwa—atemwa Pat Boone, atemwa—atemwa bamo balya bantu, mwi shina Iya bukapepa.

¹²⁵ Pat Boone ni Church of Christ. Elvis Presley ni Pentecostal. Imisango ibili iyakwata ingulu iyo yaposela isonde mucimfulumfulu icabipisha ukucila ifyo Yuda Escariote acitile pa kufutuka Yesu Kristu. Bena tabacishiba. Balya balumendo tabaishiba cilya. Tapali nangu cimo ico nakwata icakususha balya—balya balumendo, umuntu, cena mupashi uyo utungulula cena.

¹²⁶ Tampwileni FYE ulubali lulya panono fye, lekeni cilya icitabilila cikwate fye ukwikata kumo ukunono ukushinguluka icikapa ca ilye nyanje, inshita imo, moneni ico cicitika; nyanje yaya. Owe, ee, cena naciikata yena. Kabili ulya e musango cikacitilamo. Cena cikacita inshita ili yonse. Efa aishile lengela fye umuku umu kwi sonde.

127 Kabili lekeni nsose icintu cimo kuli imwe, munyina na nkashi. Muli Yohane Wantanshi, icipandwa ca 2, na vesi ya 15, ifwe twalabelenga Yena nga mulefwaya ukucita, Baibele itila:

...nga twatemwa pano isonde, atemwa ifintu fya pe sonde, ni pa mulandu ukutemwa kwa kwa Lesa tamwaba muli ifwe.

128 Nomba, ishiwi palya talili *isonde*; lyena lishiwi lya ci Greek, ni *kosmos*, ico cipilibula “imifwaile ye sonde.” Nga ifwe twatemwa ama fashoni ye sonde, isonde, nga twatemwa imicitile yelelo, nga twatontonkanya “ino ni nshita yawama, atemwa, owe, ifwe natukwata ifi fintu fyonse,” nga muletontonkanya cilya, ni pa mulandu ukutontonkanya kwenu kuntu kwalubana. Kwena kuti kwapondamikwa na Kasebanya. “Pantu nga mwatemwa imitantikile ye sonde, ne fintu ifya ili sonde iliko nomba, ni pa mulandu ukutemwa kwakwa Lesa takwaba muli imwe.” Ibukisheni cilya. Mwe Lesa! Lolekesheni ifyo tulelolekeshapo!

129 Pano ndefwaya ukwiminina pali miniti fye no kumweba ilyashi ilinono. Nalyumfwile chapline ukufuma ku Nkondo ya Ntanshi iye Sonde. Bena baliposele. . .

130 Kwati ni Satana pa kutendeka, ilyo aishile mwi bala lya Edene. Ena tekuti embaule shilye Mbuto. Ena tekuti ashonaule shena. Lelo ena ashisanshile no bwanga, kabili calemanike Mbuto, shena tashameshe umusango walungama washiko. Wena walemanike Imbutu yantendekelo.

131 Kabili filya e fyo yonse aya mabutantiko ayabukapepa yali. Bena bacili bana baume na bana banakashi bakwa Lesa, lelo cena cilelemanikwa. Bena balaya ku chalichi, ukufwaya ukucite calungama. Nun taya mukwingila mu fya bu nun ukuba umwanakashi umunkalwe. Kapyunga taya ukupita mwi sukulu ukuba fye u—u—umwaume uwabipa. Imwe tamutala ukuilunda kulukuta, no kuposhanya mu minwe, ukubike shina lyenu pe buku, atemwa conse ico mucita mu lukuta lwenu, ukuba umuntu uwabipa. Imwe mulacita cilya ukuba umuntu musuma. Lelo cena caba ukubepwa, cena kulemanika e kucita cilya. Satana alicisanshile cena. Mwamona? Lesa tatala ukukwata akabungwe. Takwaba icintu ca musango filya icisangwa apali ponse mu Fyebo fyakwa Lesa.

132 Lesa e kabungwe kesu, ifwe tulabunganishiwa muli Wene, Umubili, muli Lesa, mu Mulu. Cilya cishinka. Amashina yesu yaba pe Buku lya Mwana wa mpanga lya Mweo. Mwamona? Moneni.

133 Lelo, mulemona, ni njishiba cena cintu cakosa nganshi, lelo ine—ndefwaya imwe ukushipikisha panshita italiko ukucita. Mu nshita ya Nkondo ya Calo conse. . . Njeleleniko pa kotaluka kwii sambililo lyandi.

¹³⁴ Lelo ukulangisha ici cishinka, ine—nacilafwaya ukumupela ubulondoloshi bwandi pa fyo Satana acita mu Edene: asanshile ubwanga ubwabipa ubwa kusansa. Bushe kuti mwatemwa ukwishiba ifyo cilye cakusanshila cali? Kuti na mwebwa. Ninkwata imitantikile ya cena, amashiwi yabili: ukukana tetekela, ico cabe capusana kucitetekelo, asanshile ukukana tetekela, ukutwishika. Kabili science yalisusha icifulo ca ciko. Palya apabele cipunda, ico caile mu Mbutu, Satana aiswishe cilye cipunda no kwishiba na science no buyantanshi, kabili calemnike conse, ifyalengwa fyonse ifyakwa Lesa.

¹³⁵ Ninjishiba imwe muletontonkanya ine ndemutwala pa musambo, lelo ndi pa musambo pamo na imwe. Kabili ifwe bonse tuli muno ukweshwa ukusanga cilya ico twingacita. Ifwe tatulanda filya fintu ukuba abapusana. Ifwe tulingile ukuba abacishinka.

¹³⁶ Ifwe, cila umo, tukesha ku mpela ya musebo, uko ifwe tukesakwata ukwasukilapo pe shiwi ilili lyonse. Ino ine nshita, ifwe natwishiba ukutila amashiwi yesu. . . Ilyo ifwe twafyalwa, ukulila kwesu ukunono ukwakubalilapo konse kulaya pali tepu. Kwena kukalishiwa nakabili pa Bushiku bwa Bupingushi. Nangula ifyakufwala imwe mufwala fikalangishiwa mu cinsu cenu, pa Bushiku bwa Bupingushi. Nangula science yalisanga cilya, na television. Mwamona, television taipanga icikope, yena ipishamo fye cena. Imimonekele ya fyakufwala, cila nshita mwasela, amatontonkanyo yenu yonse mu mano yenu, yaba mucine ayasungwa pa fyalembwa fyakwa Lesa. Kabili cilya e cintu icikalamba cikabikwa fye kuntanshi yenu, cila imo iya shilye ndelesi ishakowela mufwala; cila nshita mwaile kwi tuka lyakubeyelako imishishi, ukubeye ilye mishishi Lesa apela imwe. Cena cilingile ukuba. Imwe mukasukilapo pali cena. Imwe tekuti mukwate ukusela kulya kwine, nangula fye amatontonkanyo aya mu mutima wenu ilyo mulecita cena, yakalishiwa ku cinsu fye cenu. Musango nshi mukabutukilamo? “Musango nshi tuli no kubutuka nga twasula ipusukilo lya kule fi?” Mwamona? Ifwe tatwakabutuke. Ukusela konse, na matontonkanyo ya mu mutima, yaleambulwa mulya mwine muciputulwa cimbi, nangula umutundu wafyakufwala mufwala. Television, television iya malangi ishininkisha cena bwino, ilatinta cena ukucilangisha, mwamona, cilya caba fye muciputulwa cimo ukufuma muli fitatu ifyo twikalamo. Mwamona?

¹³⁷ Nomba ifyo bwanga bwapuma ulukuta, ukupume sonde! Ubwanga bwakwa Satana pa Mbutu, bwabika ifipunda muli lwena nokulanga lwena ukulemanikwa. Ifingi na fimbini, ena alabika umwashika mu mitima ya nkuta, kabili mu mitima ya bantu ne fintu fyonse, science, science. Mpaka cena casanguka icifulo uko mutundu wa bantu, pa kutobenkanishi

wa... Ndecetekela imbuto yonse ilingile ukumesha umusango wa iko. Kabili umutundu wa bantu, kabili icilimwa, kabili fyonse pa kutobenkanishiwa, nafituleta kucifulo; mukulya ifyakulya fyesu ukufuma mu mushili, icili, imibili yesu, naipanga ukusankanya, cabika amano yesu yonse... Nomba, nge mibili yesu ilewa, ukufuma amakumi yabili ukufika ku myaka yakufyalwa amakumi yabili na fisano, pa mulandu wa tubulungwa twaonaika, ku fyakulya fya kusankanya, bushe utubulungwa twa bongo bongo bwesu tatonaika? Bushe tulya tatuli utubulungwa, nato? Ulya e mulandu wine Ricky apitana mumusebo umu, ne cela cakwe icakaba; ilyo Ricketta, Evittars, na bengi muli bena, nge fyo twingeta ishina, kunse uku hafu ubwamba ku cinso ca bantu, abaonaika mu mano, takuli nakabili amatontonkanyo aya kuicindika atemwa ukwikala kusuma.

¹³⁸ Kwilyashi lyandi ilinono. Uyu chaplain atile ali kulya mu cipatala, kabili atile abalumendo abengi nganshi balele mwitenti, bamo... Ena aishile fye ukufuma kunse. Ena atile aile kulya lubali, kabili ofesa umu alimwebele, atile, "Chaplian, ifwe tulefwaya ukuya kunse, ukuya lolekesha ku mabala kulya lubali." Bena baliposele uyu mwela wa mastered na chlorine, nge fyo bacitile muli shilye nshiku.

¹³⁹ Kabili atile, "Nali fikile kulya, Munyina Branham," atile, "takwaliko icikwa ku cimuti, takwaliko akacani akalemena. Cali pe Pasaka ulucelo." Atile, "kwaliko fitanka fimo ifyakale ifyaonaika kulya lubali, ofesa aishilelemba fyena, kabili nokumona nga kwaliko icintu icili conse icingacitilwa kuli fyena, mupepi ne iyikalamba Imitengo ya Argonne. Atile, "Ilyo naiminine kulya ne mwine," atile, "Nalilolekeshe pa mulu, atile, 'Mwe Lesa, iyi e nshila fyonse filelolako.'" Cilya cishinka, fyonse fyena fileisa. Fyonse fyalipile, takwali ubumi nangu bumo nakalya, ifyani fyalipile; ifimuti, kuli ilye myela, ifimuti fyalipaiwe, ifintu fyonse fyalipaiwe, kunyonganikwa, kulebela panshi, umu ifipolopolo ne fintu fyaumine fyena.

¹⁴⁰ Nga cilya tacili icikope ce sonde ilelo, uko Satana alesansa ukukana tetekela kwakwe, ukusankanya kwakwe, science yakwe, ukwishiba kwakwe! Mpaka, ifyo cena cali pa ntendekelo, ilyo Lesa abikile Adamu na Efa mwibala, ulya paradise uwaemba ukwabule mfwa, ukwabula malwele, ukwabula ubulanda, kabili ifintu fyonse umupwilapo mubutantiko, lolekesheni ifyo DDT yakwa Satana yacita! Lyena cimfulumfulu. Takwabako nangu cimo icashala muli cena.

¹⁴¹ Atile, "Natendeke ukulila. Naile enda ukubwelelamo, nalitemwinwe ku cilibwe." Atile, "Naile fye kulya lubali nokulolekesha pa cilibwe, nalicisunkile. Pesamba lya cilye

cilibwe pali akaliluba akanono akabuta kalemena, icintu fye ceka ico casheleko ica mweo, pantu kena kali cingililwe ne cilibwe.”

¹⁴² Lesa, Icilibwe candi, tucingilileni ilelo, Mwe Lesa, ilyo ubu bwanga bulepupuka ukuli konse mwi shina lya science na masambililo. Tucingilileni. Nsungeni mpaka bulya bushiku, Mwe Lesa, e pepo lyandi. [Umo muntu kuntanshi atila, “Wibikako inshita ili yonse, Munyina Branham.” —Ka.] Nomba ndesubila ukutila ifwe, cila umo, tuli pesamba lya cilye Cilibwe, Kristu.

¹⁴³ Nalishimikile fye ubushiku bumbi, mwe bengi imwe mwalyumfwile cena. Naley a ukupita mu mitengo, ukulunga, kabili nalitemwinwe ukupilibukila kunuma. Kabili nalilolekeshe, kabili palya palilele akabokoshi akafwaka umushali nangu cimo atemwa umwakubika, atemwa fyonse ifyo mwita cena. Kabili cena ni company, nshileumfwa ningile ukwita ishina lyabo, lelo company yafwaka bakwete, insoselo, “Icacusushilako ca muntu utontonkanya, imisondele ya muntu upepa.”

¹⁴⁴ Nalitendeke ukwenda ukutwalilila pa—pa ntanshiko panono mu mitengo, kabili Icintu cimo calintemwine, “Bwelelamo kuli kalya kabokoshi kafwaka.”

¹⁴⁵ Natontonkenye, “Shifwe uwa mu Mulu, nalaya kuno lubali kuli cilya cimuti uko tulyo tupale twalandilwe mukumonekela na Imwe, ulucelo lumo. Mulandunshi Imwe mwinganjitila ukubwelelamo?”

¹⁴⁶ Kabili icintu Cimo catile, “Iwe naukwata imbila ileisa iya pa Mulungu. Isambililo lyobe nalilembwa pali kena.”

Natontonkenye, “Pakabokoshi akafwaka?” Nalibwelelemo.

¹⁴⁷ Kabili natendeke ukutontonkanya, “Icacusushilako ca muntu utontonkanya,” eflyo kulya kwaba ukubepa! Ngo muntu ali umuntu utontonkanya, ena tekuti apepe nakalya. Lelo, mulemona, abantu balamina cilya.

¹⁴⁸ Ndecetekela cali imyaka ibili iyapitapo, ilyo nali muli kumo kwa misonkano, nalile ku cilangisho ice sonde ilyo cabelele ku Lulamba lwa ku Masamba. Kabili bena balikwete icikope cakwa Yul Brynner kabili abengi muli bena kulya. Kabili aba science, abengi muli bena, bali mucikulwa cimo cine, palwa busanso bwa kupepa fwaka. Ifyo bena baputula cilye cushi pali marble, kabili babulile akanono ka q-tip no kubula nicotine ukufuma palya nokuibika panuna yakwa koswe, no kubika ena muli kasalanga, mu nshiku cinelubali ali uwaisula nganshi ne mpwalonda ena tekuti ende. Mwamona? Atile. . . Atintile yena ukupita mu menshi.

Atile, “Icacusushilako!”

149 Atile, “Icacusushilako? Takwaba icintu ca musango ifi.” Atile, “Imwe. . . Nomba, aba ba science abene. Batile, “Imwe tekuti mukwate icushi kano na mukwata tala. Tala ilapanga icushi.”

150 Kabili icintu fye cena cili, caba ubucenjeshi, ukushita imishanga ingi. Ilyo cilya, nga ine. . . Mwilasubila imwe muletonkanya ine naba uwa musalula atemwa uwafulungana. Ulya ciwa mu muntu, uyo umulenga imwe ukupepa, ukuipaya umwine. Ilyo ena—ena afwaya nicotine iya mushanga umo, cilya cikapela ukukabila kwakwe, nomba company ileisa no bu bucenjeshi bwakubepa, kabili itila, “Icacusushilako ca muntu utontokanya.” Ena ali nokupepa iine atemwa imishanga isano, ukupanga tala ingi muli imwe (ukwikusha ena) nge fyo imwe mwacitile na umo. Abena America ukushitisha imfwa kuli ba munyinyabo na ba nkashi! Ine nshicumfwikisha.

151 Lelo nomba mulya, natontonkenye, “Kwalibako Icacusushilako ica muntu utontokanya cilya cishinka.”

152 Nomba ngo muntu alepepa, ibukisheni, cilafumya imisondele yamuntu upepa. Lyena, nga imwe tekuti mukwate i. . . ukuisusha ukukabila kwa cushi mpaka mwakwata icushi kulya no kukwata. . . cilingile ukufumya imisondele. E ico imwe mulapepa imishanga ine, atemwa isano, no kulipila ishingali pali yena ukucila ifyo imwe mwinga cita nga imwe mwalipepele fye umushanga umo uwakuipombela. Mwamona, cena bucenjeshi, ubucenjeshi bwa makwebo; ukubepa abantu, abena America. Ilyo natontokanya pali Valley Forge, George Washington; na bashilika bakwe babili pali fitatu, kabili ukwabula nsapato ku nkasa shakwe, pali bulya ubushiku bwatalala, ukutupangila ifwe ubunonshi ubo twakwata! Kabili elyo abena America ukushitisha umwina America, munyina wakwe na nkashi, imfwa, mubucenjeshi bwa bufi, kulunkumbwa lwa fyakowela, umushila wa bubi bonse. Ukukabila kwa ndalama, ukutemwa. Icintu conse naciya mukupena, ukwabula ukwishiba ukutula ici cintu conse cikonaika! Lelo nga imwe tamulekwata icushi, imwe tekuti mukwate imisondele.

153 Elyo natontonkenye, “Cilya palya Icacusushilako ica muntu utontokanya.” Icacusushilako ca muntu utontokanya! Kabili nabulile isambililo lyandi ukufuma “Icacusushilako ica muntu utontokanya cileta imisondele ya muntu uwa mushilo.”

154 E ico natontonkenye ukutula ifilonganino fyesu fyalicita ifingi nganshi nga filya, ukusenda abantu mukati no kuita abene Abenakristu abali umusango uuli onse. Cinshi? Bena balakwata abengi mucilongano cabo atemwa mutubungwe. Ifwe tulakwata abengi mulya pantu ifwe tulabaleka bena ukwisa muli *ici, cilya*, kabili *icibiye*, ne cintu icili conse. “Cilya tacipanga ubupusano ubuli bonse, pa kutula fye benga bika

ishina lyabo pe buku nokusosa bena Benakristu. Cilya epela fye. Owe, 'kucitetekelo imwe mwalipusushiwa.' Imwe mulingile ukucetekela." Kasebanya alacita icintu cimo cine. Ee.

¹⁵⁵ Imwe mulingile ukufyalwa cipya cipya, kabili cilya cishila ukupitila mu Cakusushilako cakwa Lesa! Nomba kwalibako Icakusushilako ica muntu utontonkanya. Ni njikatilila Cena mukuboko kwandi. Cena teti cilete imisondele yacilonganino. Lelo cena mucine cili nokwikusha imisondele iya muntu uwa mushilo, namwishiba.

¹⁵⁶ Musango nshi umwanakashi ubeye mishishi engatala ukwisa ukupita muli ici Cakusushilako? Musango nshi umwanakashi ufwala bakaputula engatala ukupita muli Cena, atemwa amatoloshi, ilyo Baibele itila, "Cena ca muselu kuli Lesa, ku mwanakashi ukufwala icakufwala ico capalana ne ca mwaume"? Kabili musango nshi umwaume uyo utontonkanya icintu icili conse pa mwine eka, engafuma kunse uku nokufwala nga banakashi, ukuleka imishishi yakwe ukukula ngo mwanakashi, ukwisa mu menso yakwe, ne fikuti, kabili ukunyongana pa mulu nga *filya*? Ena alefwala ifyakufwala fya mukashi wakwe ifya mukati. Wene alefwala ifyakufwala yakwe ifya kunse. Icakusushilako camuntu utontonkanya? Umuntu utontonkanya tekuti acite cilya, atemwa umwanakashi utontonkanya tekuti acicite. Icebo cakwa Lesa teti cisuminishe cena ukupitamo.

¹⁵⁷ Takwaba icintu nangu cimo icingapitamo muli cilya Cebo. Cilya Mupashi wa Mushilo, kabili Wene uleta Icebo muli imwe, kabili Wene uleta imisondele ya mushilo iya muntu.

¹⁵⁸ Lolekesheni ilelo, Ricketta mu musebo, umusuma, umubili uwaemba uo Lesa apele ena, kabili Satana ukubomfya wene. Kabili wene ali nokufwala mubulalelale nganshi, ukwabula ukwishiba ukutula umulungu ukufuma ilelo wene limbi kuti alebola mu nshishi.

¹⁵⁹ Ukwisa mulya mumusebo tekale sana. Naleshimikila ku musonkano mu Assemblies of God kulya ku Lulamba lwa Masamba, mukulongana kulya Southwestern Bible School. Na mayo umunono ukwenda mumusebo, umunono...filye fyakufwala ifyafyenta, utuputula utunono, fyonse ifyo mutwita, no twakukobekelako tulelebeli, ne cisote cabukacema wa ngo'mbe ne nsapato. Naleya mu musebo. Natontonkenye, "Umuntu umubusu umunono, umwana wakwa mayo na tata umo, abikwa pano ukuba umwana mwanakashi wakwa Lesa, kabili nasanguka ukuba inyambi yaciteyo cakwa Kasebanya." Natontonkenye, "Ndecetekela nalapilibuka fye no kubwelelamo, nokweba ulyo mwana." Ena amoneke ukuba nalimo icimo cakwa Sarah wandi kulya, imyaka yakufyalwa ikumi limo na cinelubali, imyaka yakufyalwa ikumi limo na mutanda, atemwa icintu cimo. Natontonkenye, "Iyo, nshilingile

ukucita. Nalaya fye ukulubali mu musebo no kumupepelako. Ngo muntu umo amona ine ukwiminina no kulanda kuli ena, cawama ine nshilingile ukucita cena.

¹⁶⁰ Nomba, kabili umfweni, mwe bana baume bakwa Lesa, imwe mukaye muli cilye cifulo cimo cine, aba ba Yesabele aba bunu bushiku ukwangelila kuli imwe, lelo umuntu utontokanya ali nokutontokanya intanshi. Wene kuti aba uwaemba nganshi, cena limbi kuti caba “Ine nalakumana nankwe,” lelo cikakulenga iwe ukulipila umweo obe, mulumendo; bamo imwe mwe bakashana, kuli aba ama Rickys! Icakusushilako camuntu utontokanya cileta imisondele ya muntu uwa mushilo.

¹⁶¹ Imwe mwe baume abaupa, ilyo mulebamona balya banakashi mumusebo nga filya, imwe mwe bana baume bakwa Lesa, bushe tamuleliluka cilya icacitike mu kubalilapo pa ntendekelo? Ilyo science alengele banakashi abawama nganshi mwi sonde lyelyeshi, mpaka abana baume bakwa Lesa babulile abana banakashi ba muntu (te bana banakashi bakwa Lesa), kabili Lesa tatalile ukubelela uluse cena. Bena baonawile icintu conse; science, ukuembesha. Caleba ukuba... Imwe moneni ukuemba kwa banakashi ukucilapo pa mulu mu nshiku shakulekelesha, e cishibilo campela; Lesa nashininkisha cena. E ico, bomfyeni Icakusushilako ica muntu utontokanya, imwe mukakwata imisondele ya muntu iya mushilo. Cena mukalipililapo inga’nda yenu. Cena mukalipililapo icifulo cenu. Cena mukalipililapo ifintu fyonse ifyo mwakwata; kunse ka cilya, umweo wenu! Cena cikatoba inga’nda yenu. Cena limbi kuti calenga umwaume umbi ukukusha abana benu, atemwa umwanakashi umbi ukukusha abana benu.

¹⁶² Sendeni Icakusushilako ca muntu utontokanya, cena cikaleta imisondele ya mwanakashi uwa mushilo. Ilyo mwatendeka ukuya kwituka lya kubeyelako imishishi, atemwa icintu cimbi, kabili bena bali nokumweba, “Imwe muli nokukwata ukukalipwa kwa mutwe, namwishiba.” Sendeni Icakusushilako camwanakashi utontokanya, efyo Baibele yasosa, mwamona, lyena talukeni ukufuma kuli cena. Mwamona? Mwikesha imwe ukucita cena.

¹⁶³ Ndi munyinenwe, kabili nalimutemwa. Takuli nangu cimo ico nakwata icakususha imwe. Lesa alishiba. Kabili cilya e cinenga ine ukusosa ifintu ifyo ncita, ni pa mulandu wa—wa kutemwa kwa kwa Lesa pali imwe. Ngo muntu kuti aya kunse kulya kabili bena tekuti bamwebe, kacema obe akuleka iwe ukwikala panshi nokucita nga filya, ena takutemwa iwe. Ena tekuti akutemwe iwe. Ine tekuti mfwaye umusango wakutemwa uwafilya pa banakashi. Ndefwaya ukukwata imisondele iya mushilo pali nkashi yandi. Ndefwaya ena mucine ukuba nkashi yandi. Te muntu umo uwingasosa, umo muntu ukulanda palwa

ena ukuba uwaemba nganshi kabili ifyo ena aba, na balya bana mfumu aba bulalelale, ntile, “Ena alaya kuyandi. . . Huh-huh. Iyo. Ndefwaya ena kuba na mayo!”

¹⁶⁴ Mwe Shikulu, sungeni pesamba lya Cilibwe. Ee. Mu Bena Efese 5:26, nshila fye imo mwingeshilamo pali cilye Cilibwe, cilya cili, “Ukusambwa na menshi ayakupatula mu Cebo.” Cilya cishinka.

¹⁶⁵ Nomba, mwileka uyu Kasebanya asanse imwe na masambililo yakwe. Iyo, iyo. Cena cikepaya ukongola kwenu. Mwileka Kasebanya asende cilya. “Cisuma, na ba kulukuta ulo ba mayo babako, ulo batata, ba mama.” Mwileka Kasebanya amusanse na cilya. Baibele yalisosa kale, pa Nshita sha Nkuta Cinelubali, ne fintu kulya, fyena fyonse fyaliya ku mbuto! Cilya cishinka. Icintu conse nacibipa. Icintu conse cilonda icishipola. Mwileka ena amusanse imwe, ukusosa, “Cisuma, nintambi sha pulamo. Ifwe tuli abasambilila sana ukucila ifyo twaleba mu nshiku sha kale.” Mwilaleka Kasebanya ukubika cilya pali imwe. Nimulangisha imwe ubutantiko bwakwe bonse ubwa buyantanshi, amasambililo na science. Ena nakwata cena mukati fye kalukuta, kabili mwikesha ukumfwila kuli cilya. Talusheniko umutwe wenu ukufuma kuli filye fya kale ifyafiko fi television ne fintu!

¹⁶⁶ Kabili isambililo lyesu liletila, “Mwipalana, lelo musangulwe.” Tekuya mukati no kusosa, “Nalishininkishiwe, pa Mulungu.” Iyo. Ingilenimo no kusangulwa ino ine nshita, ukusangulwa ukufuma ku fyo mwaba, kufyo Lesa alefwaya imwe ukuba.

¹⁶⁷ Nomba, caba pa musango wa mbuto iyo yaba muli imwe. Nge yamano, imbuto ya masambililo yalibikwa muli imwe, kwaba fye icintu cimo ico yena inga cita, kulemanika imwe, epela fye, ku mwana mwaume atemwa mwana mwanakashi wakwa Lesa. E cintu fye ceka yena inga cita. Abantu ilelo, ilyo ndelolekesha kunse, bena bacita kwati bena tabacetekela ukutila kwaliba Lesa.

¹⁶⁸ Njeleleni iyo nsoselo. Nge myumfwile ya muntu uuli onse yaumfwishiwa ububi kuli ci, nshilepilibula ici. Inshita sha pa Mulungu isha pitapo balinjitile, ku mwana wandi umwanakashi, ukuya ukwali television nokutamba ukwimba kwa bukapepa. Cena cali pa Mulungu ulucelo. Nalefwaya ukumfwa Oral Roberts pa butantiko bwakwe, nalibebela ukuleka ine njishibe. Atile, “Imwe muleumfwa ulu, ulu lwimbo ulukalamba ululeimbwa.” Umwana wandi umwaume aiminine kulya, alinjebela palwa cena, nao. Kabili naliswile cilya cipe. . .

¹⁶⁹ Ifwe twalesonkela ukufuma ku mwanakashi uyo wakwete television munga'nda yakwe. Nshikabila ukukwata imo munga'nda yandi. Iyo, mukwai. Nshilefwaya cilya cintu

munga'nda yandi. Ine kuti naonaula cena ne mfuti iyandi. Nshilefwaya icakucitapo nangu cimo na cilya cintu icabipa. Iyo, mukwai! Lelo casendele i . . .

170 Lekeni mwebe pali imwe mwe bena Arizona kuno. Imwe mulemona kulyo kutantika ubushiku bumbi, ukwa masukulu, tamwacitile? Cipendo amakumi cinekonse konse icabana mu masukulu ya ku Arizona balelwala nokufilwa kwa mitontonkanishishe icipendo amakumi mutanda na cinelubali ica bena cali pa kulolesha pali television. Nga palwa cilya?

171 Imwe mulingile mwabomfya imfuti yenu! Mwamona? Nomba, mwileka Kasebanya amusanse na cilya. Iyo, mukwai. Nomba mwe bantu, nge fyo nacisosa, abantu bacita kwati tabakese ku Bupingushi.

172 Aba balumendo na bakashana, balikwete ulupwa lumo ulwa ba Nsanya, kabili ne fingi fintu. Ndetontontokanya umuntu umunono Mr. Pool e ntungulushi ya cena. Kabili nga nalitala ukumona inyimbo ishakusenteka ishitya, cali umusango bacitilemo cena; ibumba lya ba ma Rickies ukwiminina kulya, ukusunkanya amaboko yabo pa mulu na panshi.

173 Ine mucine nacistasha ulyo mulumendo muno mu lucelo, ulyo wacimba, acimoneka uwatekanya, kwati muntu wacine cine. Ine—nalitemwa cilya. Ilyo imwe—imwe mwe baume bashimakwebo nshita shimo muno mwasenda ibumba lyaba ba Rickies abo abeminina uku, no kupunda no kubilikisha, no kutwalilila, kabili ukuleka ukupema kwabo mpaka baba blue mu cinso; kabili kulya te kwimba, cilya caba fye ukupanga icongo icingi ca science. *Ukwimba* caba “imimbile ukufuma mu mutima.”

174 Kabili natontontokenye, “Ifyo caba ica bulanda! Ifyo cena caba icasoni! E ico musango nshi mwi shina lya bukapapa, bena bacita kwati takwaba Lesa! Umo muntu atile, ubushiku bumbi, ku mulumendo uyo uwenda no mwana wandi umwanakashi. Umulumendo Umwinakristu atile, peleni cena inoselo iyawama palwa kwa Adamu na Efa, atile, “Efa ukupita mwi bala. Atile, ‘Mwe bana, mulemona cilya icimuti kulya?’ Atile, ‘Kulya eko banyinenwe batulile ukufuma mu nga'nda no mushi.’” Bushe kuti mwaelenganya, alingile ukuba Umwinakristu uwakosa, uyo wingasenda ubulayo kabili Icebo cakwa Lesa no kuciposela kwi cinka lyakwa kapoli! Bena bacita kwati tabakese ku Bupingushi. Lelo Lesa akaleta inkama yonse mu Bupingushi. Bena bacita kwati takwaba Lesa.

175 Nshilefwaya ukubeta icipumbu, pantu Baibele itila . . . icipumbu, tacili icalungama. Yesu atile cena tacili. “Mwita umuntu nangu umu icipumbu.” Lelo mu Malumbo

14:1, “Icipumbu citila mu mutima wakwe, “Takwaba Lesa.” Mwamona? Bena, bena tabali. Nshilefwaya ukubeta ifipumbu, lelo bona bacita kwati baliba. Bena bacita nga cena.

¹⁷⁶ E ico, mulemona apo tubelele ilelo, kwati takwaba Lesa. “Naba kulukuta! Kabili fyonse icintu conse, Baibele, caba umupulwe ukalamba. Ulukuta lwesu lwalishiba uko bena baleya!” Ee, ukutonta fye ukuya kumbo. Kabili filya fine mu nshila yabo, ukuya fye mulya muli science na masambililo, ama seminary ya fya masambililo ya fya bulesa ne fintu, ukuputila fye bena mulya mwine mu musebo. Mupashi wa Mushilo tawakwata ishuko ukupelo busokololo apashili kantu; seminary yali yalipatulako cena.

¹⁷⁷ Mupashi wa Mushilo ulingile ukututungulula; te seminary, te ba bishop na ba kangalila, kabili na fimbipo. Mupashi wa Mushilo e Ntungulushi yesu.

¹⁷⁸ Kaini ali umuntu wa musango filya. Ena ali ni kapepa nganshi mu milimo. Nomba, nga bukapapa e cintu fye ceka ico tulingile ukukwata, lyena Lesa ali ushalungama pakwebaula Kaini. Pantu, ena ali ni kapepa, ena ali kapepa nganshi kabili uwabufumacumi nge fyo Abele ali. Nomba ibukisheni, ena atontonkenye pali Lesa, ena apepele Lesa, ena aile ku chalichi, ena akulile icipailo, ena apangile ilambo, ena alipepele, ena alishinshimwine, lelo ena alikenwe. Te mulandu umusango. . . Esau e fyo ali, nao. Mwamona?

¹⁷⁹ Bukapapa, mwamona, yalya emakwebo yakwa Satana; tekwapaya icintu conse, lelo kukowesha fye cena. Epela fye. Ena takepaye cintu conse. Owe, te ba communist; iyo, iyo, munkanyakristu te communisim. Baibele itila, “Cena cikabepa Abasalwa nga cabe cingacitwa.” Mwilalolekesha ku cipempe ca cela, lelo kuli cilya ica purple. Uh-huh.

¹⁸⁰ Lelo, moneni, Kaini aishile mukupepa, lelo alikwete mbuto yalubana muli ena, imbuto ya nsoka. Ukulila kwa nsoka kwalilile pali ena, pantu ena ali ubufyashi bwa mwanakashi. Ena alishibe ubufwayo bwakwa Lesa ubwapwililika, lelo ena alikene ukucicita cena. Bushe mwalishiba cilya? Satana alishiba ubufwayo bwakwa Lesa, lelo akana fye ukucicita cena.

¹⁸¹ Moneni, ena alimwene Lesa ukushininkisha imbila yakwa Abele. Nomba ndefwaya imwe ukutontonkanya, bomfyeni Icakusushilako cenu ca muntu utontonkanya nomba pali miniti. Imbila yakwa Abele iyalungama, iyo Lesa ashininkishe ukuba Icine! Bushe muleumfwa nomba? Uh-huh. Imbila yakwa Abele yalipokelelwe, kabili Kaini alimwene cena nokwishiba ukutila Lesa alishininkishe ilye mbila bwino. Lelo ena tekuti acicite fye cena. Icilumba cakwe camucingilile ukufuma kuli cena. Cilya cishinka, icilumba cakwe ca mucingilile ukufuma mukucicita. Amwene Lesa ukushininkisha imbila.

¹⁸² E ico cilemoneka ukuba ifyo nomba, cintu cakosa nganshi ku bantu ukuipetamika abene ku Cebo cakwa Lesa. Bena, bena tabafwaya fye ukucicita. Bena bali nokuipetamika abene kucisumino calukuta, mucine, lelo teku Cebo cakwa Lesa.

¹⁸³ Nga mulefwaya ukusanga ici, imwe kabiyeni ku... Ninkwata Amalembo pano, yalya eyo ndesontelelako pano. Ukutendeka 4:6 na 7, Lesa aebele Kaini, atile, “Cinshi ico impumi yobe iwilile? Cinshi iwe uli uwaisulamo ne cipyu, ukulaenda enda? Iwe wacumfwa fye imbila iyo ikumfwise ububi.” Atile, “Cisuma, cinshi ico ulecitila cilya? Cinshi ico impumi yobe iwilile, pantu nshaishile mulukuta lobe? E ico cinshi ico wacitile cena?”

Bushe ulebomfya Icakusushilako ca muntu uletontonkanya? Mwamona?

¹⁸⁴ Atemwa, “Cinshi ico tacacitile... Cinshi ico ulemonekela ifyo?” Atile, “Ngo li nokucita bwino, kabiyeye ucite ngefyo munonko alecita kulya lubali, ndi no kukupokelela no kukupala. Ndi no kucitila iwe icintu cimo cine.” Lelo ena tekuti acicite fye cilya. Atile, “Nomba, nga taulecicita, ulubembu lwakukana tetekela luli pa mwinshi.”

¹⁸⁵ Nomba ilyo batweba, “Inshiku sha fipeshamano shalipita.” Kabili bena balamona cena ukulangishiwa mukupwililika nganshi no kushininkishiwa, mulemona, fyonse ifi fintu fyo Lesa alaile Ena ali no kucita munshiku shakulekelesha, isha Kusokolola 10 na Malaki 4, fyonse filye fintu ukulangishiwa mukupwililika nganshi. Bwafyanshi, ba munyina? Cilubo nshi, mwamona?

¹⁸⁶ Nga bena tabalecita; ukukana tetekela, ico caba ulubembu. Kwaba fye ulubembu lumo, lulya lwaba, ukukana tetekela. Cilya cishinka. Imwe tamwebaulwa pantu tamunwa, ukupepa fwaka, insunko, ukufwala bakaputula, ukucita fyonse ifyo mucita. Iyo, cilya tacimwebaula imwe. Ni pa mulandu imwe tamwacetekela. Nga mwalicetekele, imwe teti mucite cilya. Mwamona? Uwacetekela tacita filya. Ena asenda Icakusushilako ca muntu utontonkanya, mwamona, mwamona, atemwa Icakusushilako ca mwanakashi utontonkanya, cimo pali ifi. Cisuma. Lelo, mulemona, ulubembu luli pamwinshi.

¹⁸⁷ Nomba moneni ifyo cilya cacitile kuli Kaini, kabili cena cili nokuba umusango umo wine ilelo. Cena calengele Kaini ukuya, umubembu uwe tolo. Ena kwitolo ali uwakukana nakila. Kabili umuntu onse akaba umusango umo wine. Ukukanakila itolo panuma ena amwene imbila yakwa Abele ukushininkishiwa nganshi na Lesa, ukutula cena cali icine, no kukana ukucicita cena. Acita cintu cimo cine nomba. Lyena ena acilwike umushilwa wakupatulanya.

¹⁸⁸ Kwalibako umushilwa iwe wingaciluka. Imwe mwalishiba cilya, bushe tamwaishiba? [Ululuta lwatila, “Ameni.”—Ka.] Nomba, bakapyunga, bonse kuno na kulya mu—mu mpanga sha lamya uko uyu mulabasa ulepita munko yonse, bushe namwishiba cilya? Ilyo mwamona cena ukuba Malembo, kabili imwe tamwacicite cena, Lesa takacite lyonse...Ena akaba...Owe, imwe mukatwalilila, no kupalwa. Efyo na cila umo uwa Israele bali, bena baikele fye mulya mwine mu matololo, nokukusha abana, ifilimwa, no kupalwa, ne fintu fyonse, lelo “cila umo uwa bena balipatulwa Umuyayaya ukufuma kuli Lesa.” Yesu efyo asosele. Owe, ee, Lesa ali no kumupala ukutwalilila, lelo imwe na muya. Mucine. Filya efyo Baibele ilesosa nomba, filya efyo Ena asosele. Moneni, imwe kuti mwaciluka umushilwa wakupatulanya. Bushe mulecetekela cilya? [”Ameni.”] Kaini alicicitile cena.

¹⁸⁹ Leken—lekeni tupilibwile fye kuno pali miniti, ninkwata abaHebere 10:26. Leken tumone nga kuti nasanga cilya bwangu bwangu. Ibuku lya baHebere, icipandwa ca 10 kabili na...Ndecetekela, vesi ya 26. Ninjilemba pano. Pali miniti fye, nga muli nokushipikisha na ine, kabili lekeni tubelenge Yena pali miniti. Cisuma, ifwe tuli pano.

Pantu nga twaba ababembuka itolo apo twa...twapokelela ukwishiba icine, takwashala nakabili ilambo pa membu,

Lelo kwashala fye ukulolela kwa kulengo mwenso kwa bupingushi no kuluma kwa mulilo, ukapwisha ifibambe.

¹⁹⁰ Cilya ni EFYO CASOSA ICEBO CAKWA LESA ICA MUSHILO. Nga ifwe twaba abakukana tetekela itolo panuma ilyo twamona Cena no kumfwa Cena, lyena ifwe twaciluka umushilwa. Takwakabe nakabili ukubelelwo luse pali cena, imwe na muciluka umushilwa.

“Owe,” mwatila, “Les aacili alampala ine.” Owe, ee.

¹⁹¹ Ibukisheni Israele, imishilwa ya pa mupaka. Ilyo Lesa abapele ubulayo, mulya mu Mpanga ya mushilo; mu mpanga, yali isuma, iyeshiba no buci. Kabili ilyo Mose atumine Kalebu na Yoshua, pamo ne nengu, ukuya kulya nokuyalengula icalo, nokuleta icishininkisho icalangishiwa.

¹⁹² Ikumi lya bena batile, “Ifwe tekuti tucicite cena. Ifwe tatuli abalinga. Lolekesheni kubwafya kulya. Ifwe tuli nokuba abafulungana. Ifwe natukwata utu tuntu tunono utwakulwilako. Lolekesheni ifyo bena bakwete. Ifwe, ifwe teti tucite cena. Ifwe tatuli abalinga ukucicita.”

¹⁹³ Yoshua na Kalebu atile, “Ifwe tuli abapulamo ukucicita cena! Lesa apele ubulayo.”

194 Kabili, ibukisheni, bena baishilebwela. Cilya cali ni pa Kadesh-barnea. Kabili bena baishilebwela no kwisaba abalulumba mu matololo. Kabili cila umu uwabena balifwile, kabili baliluba Umuyayaya. Yesu eflyo asosele.

195 Mwikesha ukuciluka ulyo mushilwa wakupatulanya, mwamona. “Ilyo mwaishiba ukucite cisuma, kabili ta mulecicita, kuli imwe cena lubembu.”

196 Israele acitile cintu cimo cine. Panuma ilyo amwene Mose ukushininkishiwa, kabili elyo kuleka Balaamu ukusansa shena, shilye shawama ishashininkishiwa Imbutu. Kacema, wikesha iwe (ukutala) ukusosa nangu cimo ukususha ici Cebo. Lolekesheni pali Balaamu, ali ni kasesema, kabili alimwene Mbutu yakwa Lesa, ukushininkishiwa. Lelo ukupitila mu cakwe umwine icilonganano icikalamba ico aikelemo, Moab alimwene lilye bumba lya batandashi ukwisa ukupita mu mpanga, alisanshile shena, kabili atile, “Cisuma, lolela pali miniti. Ifwe bonse tuli Benakristu. Ifwe bonse tuli abacetekela. Cinshi, ba shifwe na bashinwe baba cimo cine. Bushe ifwe tatuli abana bakwa Loti? Bushe Loti tali, umwipwa wakwa Abraham? Bushe ifwe bonse tatuli cimo cine? Lekeneni tupane umu no mubiye.” Kabili Israele, nga Efa mwi bala lya Edene, ukuleka Satana ukumusansa ena, ena nakabili asanshile Israele ukupitila muli kasesema wa bufi. Ilyo, kasesema wa cine ali pamo nabo, ne Cebo cashininkishiwa. Lelo kwitontonkanyo ilyakwishiba kwa mano ya buntunse, alibasanshile. Tontonkanyeni pali cena nomba, tacatalilwe ukubelelwo luse, ulubembu talwatalile ukubelelwo luse.

197 Imbutu shabolele mulya mwine mu nshila ya mulimo, mu nshila ukuya ku mpanga ya bulayo. Cila umu uwa bena alyonaike no kubola, kulya kwine fye kulukuta, mu mushilwa wa mulimo, ukukonka Lesa. No kuleka Satana ukusanshila kulyo kusansa ukwa mano ya masambililo pali bena, amasambililo, itontonkanyo lya mano ya masambililo, ukusosa, “Cinshi, ifwe bonse twaba cimo cine, ifwe bonse tuli bana bakwa Lesa.” Imwe tamuli! Lelo ena alekele ulya kasambilisha uwa bufi kulya ukubasansa bena na lilye tontonkanyo ilya mano aya masambililo ilyo akwete palwa Cena.

198 Kabili kwati fye Akabungwe ka Ecumenical kalecita ino ine nshita, mwamona, icintu cimo cine, “Cinshi, ifwe bonse tuli no kuilunda capamo mukabungwe kamo akakalamba.” Imibembele yenu yonse iyakabungwe yakwa Kasebanya. Cena lulembo lwa ciswango, muli Baibele. Ndi no kukwata ibuku pali cena, ili line, Shikulu ngasuminisha.

199 Moneni, mu nshita yakwa Noah, ukumone Cebo ukukulwa, kukwelela. Nomba lekeni nkwate ukulandako panono pano, Icebo ukubikwa capamo kukusangulwa ukufuma mu mushili ukuya mulwelele. Ukumona impangilwe ya cintu; lelo

amatontonkanyo yabo aya masambililo, basekele mucinso cakwa kasesema, Noah, ilyo alesesema pa nshita ya mpela. Lelo ni cinshi ico cacitile...Cilya icakulilwe capangilwe ukufuma mu Cebo cakwa Lesa, calimashilwe mukati nakunse, na mapepo ne citetekelo. Ilyo imfula yaishile, yonse amatontonkanyo yamasambililo aya bukapepa yalifwile nokubolela mulya mwine mu...mulya mwine mu machalichi yabo, palya pene pe sonde. Kabili icibwato caelele pa mulu wa conse. Imbutu shasanshilwe isha science shabolele mulya mwine mu bupingushi.

²⁰⁰ Ni cinshi ico tuleesha ukucita, nangu cibe fyo, bushe tuleesha ukwimika ulukuta lwesu atemwa bushe tuleesha ukwimika Icebo cakwa Lesa? Ni cinshi ico tuleesha ukucita? Ni cinshi ico tulebombelapo? Bushe tuleesha ukubwasha abantu muli Ici? Ni cinshi ico uyu Efa mukalamba aleesha ukucita pano muli ishi nshiku shakulekelesha, ulu lukuta Efa?

²⁰¹ Ningile ukuleka ililine, munyina, pantu yena—yena naipwa nganshi. [Munyina atila, “Twalilila!”—Ka.] Mpeni fye nalimo ama miniti fye ikumi limo na yasano na yambi, kabili nalaleka pa yandi—Amalembo yandi pano. [“Mucine, twalilileni.”] Ee. Cisuma. Nalishiba. Cisuma, abantu nalimo bafwaya ukwingila muno no kuwanya ici. Lelo ine ndemona fye kwati cintu cakosa kuli ine ukuleka. [“Twalilila fye.” “Cisuma, takuli umulandu wakubutukila.”] Nalaangufyanya. Cisuma.

²⁰² Lolekesheni, uwa science umukalamba, uwa masambililo, Efa uwasankanishiwa ilelo, uwitwa ulukuta, ni cinshi lwena luleesha ukucita? Bushe lwena luleesha ukusansabika Icebo cakwa Lesa, no kuleka abantu bacite umusango balecitolamo? Bena tabalebomfya Icacusushilako ica muntu utontonkanya, atemwa, Icacusushilako cakwa Lesa. Lolekesheni ifyo bena baleleta. Bena baleisansabika abene. Ulukuta luli, mumbuto yakwe iyalemanikwa iya mitantikile yakwishiba, nailenga umutundu onse ukuba mu fya science batutu pa Cebo cakwa Lesa. Nomba nalafikapo pali ishi nsoselo, nshaikale pali shena inshita itali nganshi nomba ukupwisha. Abatutu pa mulandu wa science! Ilyo Lesa, pano pene pe sonde, ukucite fintu ifyo Ena alecita, ku Cebo Cakwe icabulayo, kabili bena balakana Cena no kotalukako pantu bena batutu pa mulandu wa science. Abatutu pa mulandu wa science!

²⁰³ Nacilamwentula ililine pa mulandu wakwa Munyina Williams kuno, nalemba pakaputulwa ke pepala kuno, “Iwe kuti waikala pali lyena icungulo conse,” Icintu cimo. Lelo, ndetasha cilya, cilya cisuma nganshi.

²⁰⁴ Lelo abantu baba—balebembukila itolo. Cena caleta i—imibombele yonse iya kulukuta lwe sonde ilelo mukubembukila itolo kuli Lesa, cinshi, ukwishiba kwa cinabwingi kuli no kushininkisha kuli imwe ukutila Cilya cili calungama. Cisuma.

Icifimbo calunkumbwa nacipofwisha amenso yabo, ku Cebo cakwa Lesa, kabili aleisanga umwine ubwamba nakabili. Namwishiba, Lesa, mu Kusokolola 3, atile, “Iseni, mu nshite amafuta yamo aya mumenso ukufuma kuli Ine, pa kuti amenso yenu yengesulwa.” Mwamona, amafuta yamumenso yaba Cebo Cakwe.”

²⁰⁵ Namwishiba, batila, “Cisuma, uyu muntu asomene imyaka amakumi yane, ukukwata ba degree bakwe. Ena ni BLD, DD, na fyonse fi.”

²⁰⁶ Namwishiba ifyo Yesu asosele palwa cilya? Atile, “Lekeni umuntu aikanye umwine.” Paulo alicitile.

Mwatila, “Cilya tacilepilibula cilya.”

²⁰⁷ Cisuma, cinshi ico Paulo akonkele cena, lyena? Atile, “Nshaishile kuli imwe ne fyebo fyakulembeleka ifya mano ya muntu, pantu imwe nga mwalikulile isubilo lyenu pali cilya. Lelo naishile kuli imwe mu maka na mufilangisho fya Mupashi wa Mushilo, pakutila Icebo Cenu cingaba. . . icitetekelo cenu cingakulwa pa Cebo cakwa Lesa, te filangisho ifya mano.”

²⁰⁸ Cilemoneka ukutila abantu nabalufya amano yabo ayakutekanya ne mimonekele. Bena tabali nge fyo bali. Caleba ukutila, ilyo kasesema asosele, “EFYO ASOSA SHIKULU,” abantu baletutuma. Ee, bena mucine balicitile. Abantu balesela, pantu bena bali no mwenso. Lelo nomba bena balilufya umwenso wabo onse pali Cena. Bena tabatina Lesa.

²⁰⁹ Solomoni atile, “U—ukutina Lesa e ntendekelo ya mano,” intendekelo fye ya cena.

²¹⁰ Lelo kasesema kuti alanda EFYO ASOSA SHIKULU; abantu batila “ubuwelewele!” Mwamona, takwaba isubilo kuli bena. Cena cili, bena batila, “Cinshi, ifwe twalicenjela. Ifwe talisambilila, ifwe tatulingile ukusenda ifintu fya musango filya! Ifwe natwishiba ifyo tulelandapo!”

²¹¹ Cena nakabili lipinda ilyakale, ilisosa, “Ifiwelewele fili no kwenda ne nsapato sha misomali, palya ba Malaika batina ukunyanta.” Mucine.

²¹² Nomba, ni cinshi ukusangulwa? (Bwangu bwangu.) Musango nshi tupokelamo kwena? Ni cinshi cicita ukusangulwa? Lesa alacicita ku Mupashi wa Cebo Cakwe. Ena alasangula. Ena alabyala Imbutu Yakwe, alabikapo Umupashi Wakwe pali Yena, kabili Yena ilaleta icipe. Umupashi Wakwe uwa Mushilo ulasangula Imbutu ya Cebo mukushininkishiwa ku musango wa iko.

²¹³ Umusango wa mbuto mwaba, cilya cilangisha fye icili muli imwe. Imwe tekuti mufise cena. Conse ifyo muli mukati, cilangisha kunse. Imwe tekuti mualalushe ukufuma kuli cena. Imwe tekuti mulenge cilye cimuti icintu icili conse kano fye ifyo cili. Mwamona, cena cili—cena cili no kuba ulya musango.

Mupashi wa Mushilo asangula imbuto isho shaba mukati ka cena. Te mulandu umusango wa mbuto yena ili, Yena ili no kusangula yena. Nga yena ibifi, yena ikaleta icibi. Nga yena ni bumbimunda, yena ikaleta bumbimunda. Nga yena Cebo cakwa Lesa ica cine, cena cikaleta umwana mwaume uwa cine atemwa umwana mwanakashi wakwa Lesa, ukupitila mu Cakusushilako ca muntu utontonkanya. Ilyo Mbuto yaisafuma, ilesa ukupita muli Cilya, Yena ilaleta umwana mwaume no mwana mwanakashi wakwa Lesa.

²¹⁴ Ubushiku bumo ilyo isonde lyali mu mfifi ya cimfulumfulu, Lesa...Nomba umfwikisheni, pantu ifwe tatwalande...inshitako itali panono. Lolekesheni. Ubushiku bumo ilyo isonde lyali nakabili mumisango yonse iya bukapepa, ukusamba ku minwe, impoto, ukufwala imingila iyapusana pusana no tusalu, kabili na fimbipo, yena yaikele mukati ka cimfulumfulu icapwililika. Israele wa cine uwa kwa Lesa alipondamikwe nganshi ukufuma ku malango ne fipope fyakwa Lesa, Yesu atile, “Imwe, ne ntambi shenu, mulenga Icebo cakwa Lesa ukukanakwata amaka ku bantu, ku ntambi shenu.” Kabili lolekesheni kuli bena ba shimapepo ba mushilo, balabeta; na Yesu atile, “Imwe muli bakwa shinwe, Kasebanya, ne milimo yakwe mulacita.” Mwamona, filya ni filya fine ifyo Asosele.

²¹⁵ Nomba ilyo isonde likele muli ulya musango, Umupashi wakwa Lesa walishundile nakabili pa Mbuto iyo yali iyalingilwa kabela. Ena aalwile no kusangula Esaya 9:6 pa bulayo bwa Cena; Ena, Lesa, alengelwe mu mubili, ukupususha ilya nshita ya cimfulumfulu. Ilyo muntu alengelwe mucipasho cakwa Lesa, uyu Lesa alishile, kuli kasesema ukumwenakabela cena...Nomba ibukisheni Icebo, kasesema alimwene kabela cena, kasesema fye umu wine uyo wamwene Satana muli ishi nshiku shakulekelesha, mwamona, pali iyi mitantikile ya cilonganano ne fintu ifyo akwata, imitantikile ya bukapepa. Kasesema umu wine. Esaya 9:6, atile, “Kuli ifwe Umwana nafyalwa, kuli ifwe Umwana mwaume napelwa; kabili Ishina Lyakwe liketwa ‘Kabilo, Cilolo wa Mutende, Lesa Impalume, Wishi wa Nshita pe.’ Kabili kukuteka Kwakwe takwakabe mpela.” Kabili cilya cali Cebo cakwa Lesa. Kabili Umupashi wa shundile pali cilya Cebo, kabili Cena calengelwe mwifumo lyakwa na cisungu; umwaume, “umwana mwaume nafyalwa, tekulengwa,” “ukufyalwa.”

²¹⁶ Satana alyeseshe no kwesha nakabili, ukusansa Cena. Ena abulile Wene pamulu no kusosa, “Nga Iwe waba ifyo Iwe usosa Iwe ukuba, lyena nctilako kumo uku kundapwa kuno ine. Nangisha ifyo Iwe wingacita cena. Pilibula uyu, mukate, kabili aya mabwe mumukate. Leka tukumone iwe uipose, pantu Amalemba yasosa Iwe ukacita cena.”

217 Mulefimona filye fiwa fya bukapepa ilelo ukusosa cilya cintu cimo cine? “Nga kuliko icintu ca musango ifi ngo kundapwa kwa Bulesa; pano napalala Munyina *Kampanda-na-kampanda*, leka tukumone iwe ukumundapa.”

218 Ulya Kasebanya umo wine aiminine pali Yesu, pa lupanda, atile, “Nga Iwe uli Mwana wakwa Lesa, ika pa lupanda.”

219 Icebo citila Ena ali Mwana wakwa Lesa. Umupashi washininkishe Ena ali Mwana wakwa Lesa. Esaya 9:6 yalishininkishiwe. Kabili nshita imbi iya bushiku, mwe bengi imwe pamulabasa mwalyumfwile ifyo kutila twalipele Amalembo yamo amakumi mutanda na mutanda, mupepi, ndecetekela, palwa kushininkisha ukutila Amalembo yasosele ukutila Ulya ali ni Wene.

220 Owe, Satana alyeseshe no kwesha nakabili, ukucita ifintu ifili fyonse. Inshita imo iya bushiku, ukulala kunuma ya bwato, alimumwene Wene nalala. Kabili atile, Ndi no kumonaula Wene ino ine nshita.” Lelo ena alifililwe.

221 Alyeseshe ukumutunka Wene mukucita icintu calubana, lelo ena tekuti acicite cena. Cinshi? Ena alisanshilwe no muti wakulingilwa kabela. Cena tekuti cibepwe. Iyo, iyo. Icebo citila Ena ali no kuba pano. Ameni. Takwali ciwa nangu umo uwali nokumucusha Wene, kabili takuli nangu umbi umwana wakwa Lesa, uyo walingilwa kabela ukusenda icifulo cakwe. Ena alisanswa no muti. Ubwanga bwakwa Satana, ba doctor bafilonganino taba mukumyamo Wene nakalya. Ena enda fye ukuya pantanshi, takuli nangu cimo icili no kumucusha wene, mwamona. Cena tacakwete amaka ayali yonse pali Wene.

222 “Cisuma, nkakulenga Iwe ukuba bishop uwe sonde lyonse. Ninkwata ubutungulushi pali cena. Nga Imwe muli no kunshishimuna fye ine, iseni fye mulunde kwibumba lyandi, ine nka—ine nalakulenga Iwe ukuba kateka. Ine nkafumapo, ukuleka Iwe kuba pa mulu.”

223 Atile, “Kabiye kunuma Yandi, Satana. Cena calilembwa, ‘Iwe ukapepe Lesa, Icebo, kabili Wene eka fye Iwe ukabombela.’” Elyo bushiku bumo. . .

Pali uyu Muntu mukalamba, ndefwaya ukwikala palya pakashita.

224 Lelo bushiku bumo, Umupashi waendele pali Wene nakabili; pantu kwaliko Icebo cimo ico calembelwe palwa Wene, icaishile ukufuma kuli Lesa, ukupitila muli kasesema, “Kabili Ena atungulwilwe ukwipaiwa, ngo mwana wa mpaanga.” Kabili Umupashi waendele pali Wene, no kutungulula Wene, no kutuma Wene kulupanda lwa Kalbale. Palya Ena alifwile. Kabili ifintu fyonse ifyo fyalandilwe pali Wene mu mfwa Yakwe, fyalifikilishiwe, ukuleta Ulubuuto no Mweo kuli shonse imbuto ishalingilwa kabela ishakwa Lesa

isho shali pe sonde. Ena aletele nshila yakucicitilamo. Iyi *apa* Mbuto, Umupashi ulaleta Umweo; ukusangula abana baume na bana banakashi bakwa Lesa, ukufuma kwi sonde muli ici cimfulumfulu ca mfifi, ukwisa mukuba abana baume na bana banakashi bakwa Lesa.

225 Mwi ipunuma pali lilye shiwi “kulingilwa kabela.” Nalishiba mulecita. Lelo, umfweni, Cena te Cebo candi. Cena ni cimo ica Fyebo fya kwa Lesa. Imwe mulefwaya ukubelenga cena, belengeni Abena Efese 1:5, icili, “Ena alitulingila kabela ifwe ku bana ba mwine muli Yesu Kristu.” Mwamona?

226 Leken i fye ine nondolole cena pali miniti fye, miniti fye, ukulondolola ici ukufuma mu mano yenu. Lolekesheni. Kwati fye ilyo mwali muli bashinwe, pa kutendeka, akashishi ka mbuto. Bushe mwalishiba cilya, cila umo uwa muli imwe? Imwe mwali mu benu abakalamba-abakalamba-abakalamba bashikulwinwe, nabo, bushe mwalishiba cilya? [Ulukuta lwatila, “Ameni.”—Ka.]

227 Belengeni Ibuku lya ba Hebere, uko ifwe tulesanga ukutila Lebi alipile icekumi ilyo ena ali mu musana wakwa Abraham, inkulo shine kunuma yakwe. Ilyo Abraham alipile ifyekumi kuli Melkesedeke, calipendelwe ku wakwe umukalamba-umukalamba umwishikulu umwaume pesamba kuntanshi yakwe, kabili ena ali lilya mumusana wakwa Abraham. Mwacimone co. Mwamona?

228 Imwe mwali mumusana waba shinwe, lelo bashinwe tekuti bakwate isenge ili lyonse na imwe mpaka ilyo mwasangwilwe mu mubili wa buntunse.

229 Umwana wandi palya ali muli ine. Ine—ine—nalefwaya umwana, lelo ena ali muli ine lilya. Mwamona? Ena ali muli ine lilya. Lelo ukupitila mucupo, ena asangwilwe umuntu nga ine, kabili elyo aishileba nga ine.

230 Kabili imwe mulesa mukuba nga bafyashi benu, mwamona, pantu cali muli imwe, icakwambilapo. Nomba nga ifwe tuli bana bakwa Lesa, imibele yakwe... Icili, imwe muli mibele yaba shinwe, te ba nyinenwe; ba shinwe. Akashishi kekala muli wishi. Mwamona? Kabili nomba ba nyinenwe bali icipe ico ca mufyele, ica fyele imbuto yaba shinwe. Mwamona?

231 Kabili umushili, mumubili, nao wine cipe ico cisenda imbuto yakwa Lesa. Mwamona, filya fine fye. Te calo, ifyo calo caba icikalamba; cena caba ifyo Lesa aba mukalamba uyo walengele cena. Mwamona? Mwamona?

232 Nomba nga muli mwana mwaume no mwana mwanakashi wakwa Lesa, lyena imwe mwali muli Lesa pa ntendekelo. Imwe muli mibele Yakwe. Nga imwe tamwaliko kulya lilya, lyena imwe tamwatalile ukuba kabili tamwakatale ukuba.

233 Pantu, tekuti mfyale, ukufuma mumusana wandi, umwana wa uyu umwaume *apa* atemwa ulyo mwaume *palya*, ine kutii nafyala fye abana bandi ne mwine, kabili bena kuti bakwata icipasho candi. Aleluya. Mulemona cena?

234 Abana baume na bana banakashi bali muli Lesa pa kutendeka. Nomba lolekesheni. Imwe na mukwata Umweo wa Muyayaya, mwatila. Ifwe twalicetekela cena, ukutila twalikwata Umweo wa Muyayaya. Cisuma, kwaba fye umusango umo uwa Mweo wa Muyayaya, kabili ulya ni Lesa. Cilya e cintu fye ceka ico caba ica Muyayaya, ni Lesa. Lyena nga na mukwata Umweo wa Muyayaya, ulyo Mweo uli muli imwe lyonse wali, kabili imwe mwali mumusana wakwa Lesa lintu takulabako ne sonde. Kabili ilyo Icebo Icine... Yesu Umwine e twa Icebo, kabili muli Yohane Washila 1, itila, "Mukutendeka mwali Cebo, ne Cebo cali pamo na Lesa, kabili Cebo cali ni Lesa. Kabili Cebo calengwe mumubili no kwikala mukati kesu." Lyena mwali mumusana wakwa Yesu, no kuya ku Kalbale pamo Nankwe. Imwe mwafwile pamo Nankwe, kabili imwe mwabushiwe pamo Nankwe. Kabili ilelo natwikala mu ncende sha Myulu muli Wene, abaisushiwa no Mupashi Wakwe, abana baume na bana banakashi bakwa Lesa. Ukufwa pamo Nankwe, ukubushiwa pamo Nankwe. Mucine.

235 Nomba lyena, nomba, nomba imwe kuti mwakwata isenge pamo Nankwe. Imwe tekuti mucicite kunuma kulya, pantu imwe mwali fye Cebo muli Wene, imbuto. Lelo nomba Ena na musokolola imwe, kabili nomba Ena alefwaya imwe ukukwate senge pamo Nankwe. Lyena Ena aishile ika, alengelwe umubili pakutila Ena enga kwata isenge mukupwililika na imwe. Mulemona lilye senge ilyapwililika? Owe, mwe, shilye nkama ishashika ishakwa Lesa! Ifyo cakwama! Mwamona, Lesa tekuti akwate senge mu Mupashi, e ico Lesa aishileba umuntu pa mo na ifwe.

236 Yesu Kristu ali ni Lesa Umwine, ukumonekela, pantu, Ena ali mwana pantu Ena alifyelwe, lelo cena cali fye li hema ilya Wene ukwikalamo. "Takuli umuntu uwamona Lesa pa nshita ilii yonse, kano Uwafyalwa eka wakwa Tata na mulangisha Wene." Lesa aikulile Umwine inga'nda, umubili wa kwikalamo, aishileika pakutila imwe mwingamukumya Ena. 1 Timoti 3:16, "Ukwabula ukutalikhanya, ubukalamba ica nkama ica bukapepa; pantu Lesa amonekele mu mubili, amwenwe kuli ba Malaika, acetekelwe, apokelelwe mu Mulu." Mwamona? Nomba Ena. . .

237 Imwe pa kuba umubili, na Wene pa kuba umubili, lyena imwe kuti mwakwata isenge umo no mubiye, pantu Ena ali imibele yakwa Lesa iyakutemwa. Lesa kutemwa. Bushe cilya cishinka? Kabili Yesu ali imibele yakwa Lesa iya kutemwa.

Kabili ilyo mibele ya kutemwa yalangishiwa, icili, ulya ali ni Lesa Umwine; yonse imibele iyo yalebele pali Wene, yaishile kuli Wene, “Bonse abo Tata Ampela, bakesa kuli Ine.” Mucine, bena balingile ukulingilwa kabela. Nga cena tacali fyo, imwe tamwakabeko kulya. Epela fye. Mucine.

²³⁸ Nomba ifwe kuti twakwata isenge, cali ukupitila mu—mu bunonshi bwa Cebo Cakwe, kabili muli co imwe mwaba iciputulwa. Imwe muli ciputulwa ca Cebo; pantu Ena ali Icebo mu kutendeka, imwe muli Cebo nomba. Mwamona? Ndeshimikila muno bushiku, atemwa pa Mulungu atemwa bumo pa nshiku ilyo nkesamo, pa fyo cilya Cebo caba, mwamona. Kabili nomba imwe muli ciputulwa ca Cebo.

²³⁹ Umfweni. Kwaba fye icintu cimo ico teti ncite. Ine tekuti ntakishe pa fikolwe fyandi. Iyo, naishile ukupita mukukowela ukwabipa. Batata bali ba Irishi. Ba mayo bali ba ni ba Nsamya abakale, hafu Nsamya; ba nyina bali ni ba Nsamya, balepoka penshoni. Nomba, bonse muli bena, bacakolwa, abengi muli bena bafwile na bafwala ne nsapato, ukulwa, abalwa ne mfuti, kabili na fimbipo. Ine tekuti ntakishe pa cintu nangu cimo palwa cilya, pantu ifikolwe fyandi ne cimuti candi calupwa caba icabipisha.

²⁴⁰ Lelo, munyina, kwaba icintu cimo icakutakishapo, ine kuti natakisha pali Shikulu wandi Yesu Uyo wandubula. Kabili na Maka Yakwe ayakusangula abyele mbuto, ukulingila kabela, kabili nalimwene Cena. Ndi mwana wakwa ani nomba? Ee. Ine kuti natakisha pali Wene. Kabili ine nalikala imyaka amakumi yatatu na fitatu iya bumi bwandi, ukutakisha pali Wene. Nga Ena kuti ansunga na imbi imyaka amakumi yatatu na fitatu, ine kuti na esha ukutakisha sana pali Wene. Mwamona? Ine kuti natakisha pa Cicolwe candi, aleluya, Uyo wandubwile no kubyala imbuto ya Mweo *umu*, no kuleka ine ukulolekesha pali ici Cebo, atumine Umupashi Wakwe, kabili atile, “Ici Cili apa. Landa *ici*, kabili cena cili no kucitika. Cita *cilya*.” Kabili owe, mwe, ine kuti natakisha pali Wene! Musango nshi Ena acicitilemo? Ukupitila mukusamba kwa menshi mu Cebo, amenshi yakupatula. Ndekabiila nga twaci londolola cena.

²⁴¹ Aba cine abalingilwa kabela abacetekela bali nokwikala ne Cebo pantu bena baba iciputulwa ca cilya Cebo.

²⁴² Owe, intanda ishilelulumba, ukufika lilali imwe mwakulalulumba? Imwe ba Methodist, Baptist, Presbyterian, aba kunse, fyonse ifyo mwingaba, intanda ishilulumba, ukufuma ku lukuta ukuya ku lukuta, ukufuma ku ncenshi ukuya ku cifulo, kabili television ukuya kuli television, isonde ukuya kwi sonde, cinshi ico imwe tekuti mwishile kuno? Ena akabila ukukwata isenge na imwe. Ena alemufuluka imwe.

Ena alefwaya ukumusangula imwe pa kuwamya amano yenu, teku lukuta atemwa kucilonganino, lelo ku Cebo Cakwe, icili, imwe mwaba iciputulwa nga kulyo kukabila kuli muli imwe.

Balishuka abo abali ne nsala kabili ne cilaka ca bulungami: pantu bakesushiwa. (Mwamona? Uh-Huh.)

²⁴³ Kabili alituma Amaka Yakwe ayasangula, ukumuleta imwe ukufuma muli ubu bukapepa ubwalemanikwa ubo mwabamo. Muli ici cimfulumfulu icalemoneka ico twabamo, Lesa natuma Amaka Yakwe aya kusangula, Icebo Cakwe, icalangishiwa, ukushininkishiwa, ukumuleta imwe ukufuma muli ubu bukapepa ubwalemanikwa ubwa bututu ubo muleendamo, “ubwamba, impofu, kumbabulili, kabili tabacishiba.” Tontonkanyeni pali cena, mwe banandi.

²⁴⁴ Namwishiba, Lesa atumine Amaka Yakwe ayakusangula ukufikilisha Icebo Cakwe, no kupilibula umubili onse uwakwa Sarah na Abraham. Asangwile umwaume umukote no mwanakashi umukote, pantu Ena alilaile Ena ali nokucicita cena.

²⁴⁵ Kabili ifyo Lesa alaile ukucita, cilya Ena ali no kucita. Takwaba nangu cimo, icintu icili conse...Icili conse icintu icapondamikwa, Lesa tekuti acite nangu cimo na cena. Lelo Ena ali no kusunga Icebo Cakwe, Kabili Ena ali no kutuma Umupashi Wakwe! “Ine Shikulu nimbyala Cena. Nkatapilisha Cena ubushiku nakasuba, e pali bamo banukula cena ukufuma mu ndupi Shandi.” Baibele yasosa cilya.

²⁴⁶ Owe, intanda ishilulumba, imwe no kukabila mu mutima wenu! Imwe mulingile ukukwata cena, nga te ifyo imwe teti mwikale muno muno lucelo. Kabili imwe tekuti mube muli yalya machalichi ne fikulwa, ne fintu ifyo mulimo, kunse na mukati ka mpanga, nga icintu Cimo tekuti cimulete mulya. Umo muntu alilanda kuli imwe. Mwiya pantanshi nakabili. Kuliko umusambilo wa menshi ku Cebo; ayo ayali nokumulenga imwe uwabuta nga menshi makasa. Owe, mwe bana bakwa Lesa, umfweni! Mwiikala muli kulyo kulemanikwa. Fumeni muli kwena. Abrahamu aceteketeke Lesa, no kwita icintu icili conse ukupusana . . .

²⁴⁷ Mwatila, “Musango nshi ningakwatilamo ubwikashi bwandi? Musango nshi ninga citilamo *ici*?” Ulya mulimo wakwa Lesa. “Musango nshi ine? Abo twampana nabo kuti bantamfya.”

²⁴⁸ Lesa atile, “Uyo ukakana ba Wishi, ba nyina, umukashi, umulume, imishi, amayanda; nkamupela imishi na mayanda, nkabapela ba wishi na ba nyina, na ba munyina na bankashi, muli li sonde, no Mweo wa Muyaya mwi sonde ilileisa.” Cena bulayo, we munandi. Cilya, owe, cilya cilingile ukutapilishiwa! Ubulayo ubuli bonse Lesa apanga bulesa mukufikilishiwa. Ili yonse Mbuto yakwa Lesa yaba bulayo.

249 Kabili, nkashi, leka ukubeye ilya mishishi, pantu cintu icishisekesha ku cinsu cakwa Lesa. Leka ukufwala ifyo fyakufwala, cena ca muselu kuli Wene!

250 Imwe ba munyina, iwe we mwaume, leka ukubombela kuli filya filonganino, mukucite fintu, no kuleka abakashi benu ukucita filya fintu. Cena tacifwaikwa ku Benakristu.

251 Bweleleni ku Cebo! Sendeni cilya Cebo, Cena cikakula. Cena cilingile ukukula. Amaka ayasangula ayakwa Lesa ayo yaletele Cena pa mulu icakwambilapo, Ena ali fye mu nshila Yakwe ukubwela, ukucisenda Cena ukucibwekeshamo nakabili nomba. Ena alebwelelamo kunuma nakabili uko cena cali.

252 Enock alilwilwe, ukufuma kumfwa, ku maka yakwa Lesa ayasangula. Cinshi ico Lesa acitile cilya? Ku cipasho ca Lukuta ululesendwa ulo luleisa. Ee. Eliya ali cimo cine.

253 Umubili wakwa Yesu waliletelwe ku mweo panuma ilyo wafwile. Kabili munshishi, umubili wakwa Yesu waletelwe kumweo ne Cebo cakwa Lesa; nokusangulwa, ukufuma kuwafwa, icipasho icatalala, ukwisa kuwabushiwa, uwacindamikwa Umwana wakwa Lesa. Pantu kasesema, Amalumbo 16:10, nga mulefwaya ukuyalemba, 16:10, atile, “Nshakashe Umweo Wakwe mumbo, nangula ukuleka uwa Mushilo Wandu ukumona ububole.” Mwe Lesa!

254 Cilya Cebo cilingile ukwisa fikilishiwa, Cena Cebo cakwa Lesa! Byaleni Cena mu mutima wenu, nga mulefwaya ukuya mu Kusendwa. Nga mulefwaya ukuba Abenakristu aba cine cine, bikeni ici Cebo. Nge fyo nacetekela cali ni Esekiele, Lesa atile, “Senda ulyo mufungilo no kuulya,” icakutula kasesema kabili ne Cebo bengaba cimo cine. Kabili ubulayo bonse mulya bulingile ukuilangisha ubwine, pantu yena ni Mbuto yakwa Lesa ya ntendekelo. Mwilaleka kasambilila umo uwa fya bulesa kunse uku ukweshu ukufumya Cena ukufuma muli imwe. Mwilaleka wene ukusansa imwe na ilya science ya buntunse no kwishiba, na masambililo. Cetekeleni Lesa!

255 Abraham tasendele ukufwailisha kwa science kwa bushiku bwakwe, ukusosa, “Ndi mukote sana ukukwata umwana, ninja sana. Nalicita *ici, cilya, atemwa icibiye.*” Lelo ena aitile icintu icili conse ico cali icapusana, ku Cebo cakwa Lesa, nga icishali. Kabilii ena tatenshiwe kubulayo bwakwa Lesa, mukukana tetekela; lelo ali uwakosa, ukupela amalumbo kuli Lesa. Alishibe ukutula Lesa ali uwalinga ukubomba cilya ico Ena alaile.

256 Owe, mwe bana baume abalulumba, ukulemanikwa kufitabilila ifya ili sonde! Bankashi abalulumba, icakutula incende ne mifwalile ya ili sonde nafimutinta imwe! Kabili, nkashi mutemwikwa, iwe limbi kuti watontokanya ine ukuba ishilu ilya kale, lelo bumo ubwa ishi nshiku ilyo iwe ukakumanya ico Florence Shakarian akumenye inshita imbi

iyabushiku; ena alikele muli cino cipinda, nao, muli iyi ncende, nge fyo mwaishiba. Ilyo mwakumanya cilya, muli no kusanga ukutila, te ine, lelo ici Cebo calilungama. Talukeniko muli yalya matuka ayakubeyelamo imishishi, yalya matuka ya mafashoni. Talukeniko kuli ifyo fintu.

²⁵⁷ Mwamona, “Cinshi ico tamubasambilisha filya ifintu ifikalamba, ifyakuba *ici*?” Tampeni fye na ba ABC wenu, kabili elyo ifwe twalaisa kuli Agebra. Mwamona? Tampeni fye ukusambilila, “e kupepa kwenu ukwa bumupashi.”

E ico nde mupapatila, mwe ba munyinane, ku nkumbu shakwa Lesa, tuleni imibili yenu bulilambo bwa mweo, ubwa mushilo, kabili ubwa kutemuna Lesa, e kupepa kwenu ukwa bumupashi.

²⁵⁸ Imwe citeni fye “Umulimo wenu uwa bumupashi,” Lesa ali nokusakamana ifya shala ifya cena; mwamona, ukutontonkanya fye ifintu ifyo mwingatontonkanya mwebene no kucita. Bushe tacaba. . . Bushe cintu cisuma kumwanakashi ukufula umwine, no kuya kunse uku nokucita nga filya, ilyo Baibele ilebaula cena? Bushe cintu cisuma ku mwaume ukuibika umwine mucishilano ca filya nge fyo twakwata ilelo, na fyonse ifi fintu uku, kabili fyonse ifi fintu fya seminary, ne fintu nga filya, ilyo cena mucine caba icapusana ku Cebo cakwa Lesa? Mwamona?

²⁵⁹ Imilomo yakwa Esaya, ena ali fye umwaume uwafye uwa milomo iyakowela. Atile, “Shikulu, ndi muntu pakati ka bantu abakowela, kabili ninkwata imilomo iyakowela. Akalanda kuli ine pantu ni mona Lesa.” Kabili Malaika aishile ika, akwete Umulilo, Umulilo wa Mushilo ukufuma kucipailo cakwa Lesa, nokusangula imilomo yakwe; ukufuma ku milomo iya muntu ululumba, ukwisa ku milomo yakwa kasesema na EFYO ASOSA SHIKULU. Amaka yakwa Lesa ayasangula!

²⁶⁰ Umwanda umo na makumi yabili iya balondo besabi, kabili—kabili abakote abanono bakashitisha ba shakashikila, abanakashi, na balya abalongene abene mucipinda capa mulu no kwisalako ifibi, bamo muli bena ukwabula amasambililo ayalinga ukulemba amashina yabo abene. Lesa alibasangwile ukufuma ku balondo be sabi, ukwisa ku balondo babantu; ukufuma ku baume na banakashi mu musebo, ukwisa ku ba mushilo bakwa Lesa, abashifwa. Amaka yakwa Lesa ayasangula!

²⁶¹ Paulo, membala wa lukuta lulya, Presbyterian, Methodist, Baptist, Pentecostal, atemwa icintu cimo; mulya mu musebo alile, no mupashi wakwe ukalamba uwakususha muli wene, ukutila ena alishibe ifingi ukucila onse uwa bena. Ena aishilekushiwa kuli Gamaliel, umo uwa bakafundisha abaishibisha abaliko mucalo. Ni cinshi ico cacitike mubulendo bwakwe ukuya ku Damaseke, ukuya

senda ibumba lya bantu abo abacetekele Icebo cakwa Lesa? Munshila yakwe ukuya kulya, bali mupumine panshi, kabili ena aumfwile Mbila. Kabili Yena yasangwile wene ukufuma kuli membala walukuta kabili uya ku chalichi; ukwisa kuli kasesema wakwa Lesa, uyo walembale Icebo cakwa Lesa, mu Cipingo Cipyu. Ukufuma kuli membala wa kulukuta ukwisa ku wa mushilo!

²⁶² Owe, ulutanda ululumba, natwiminine. Umwana ululumba, Imbutu ilulumba iyo iya ukufuma kucifulo ukuya ku cifulo, muli ukukulemanikwa; bweleleni, muno lucelo, mwe bana. Napapata ngu'mfweni nga u—ngo muntu uyo uleesha ukwiminina pakati ka bafwa na ba mweo.

²⁶³ Kunse ko mu calo uko mulabasa uleisako nga mucili abasuntikwako, imwe mwebalulumba mucifulo, napapta ikaleni fye pali miniti naimbi. Ninjishiba naipwa muno mu Tucson atemwa, njeleleniko, Phoenix, ili ama miniti amakumi yabili ukuti ifike twelufu. Kabili ninkwata aba bantu muno ulucelo lonse. Kabili nalenga imwe ukutaluka kucinto ne fintu. Lelo lolekesha, we munandi mutemwikwa, iwe limbi kuti waba uwataluka ukufuma kuli Lesa umuyayaya. Napapata bwelelamo muno lucelo. Bushe tawacite? Kuliko ncende pa Kafukauka.

Mu mulimba nshita akale, ninjishiba cena cili
fyo,
Umwana nafyalwa kukupususha abantu ku
membu,
Yohane Ali mumwene kululumba, Umwana
wa mpaanga pe na pe
Owe, Kristu, Uwatanikwa ku Kalbale.
Owe, Nalitemwa ulyo Mwaume ukufuma ku
Galili, ukufuma ku Galili,
Pantu Ena alincitile fingi ine.
Ena alibelelo luse imembu shandi shonse,
nokubikamo Mupashi wa Mushilo;
Owe, nalitemwa, nalitemwa ulyo Mwaume
ukufuma ku Galili.
Umusenshi aile mukupepa kulya mwi tempile
ubushiku bumo,
Alibilikishe, “Mwe Shikulu, mbeleleni uluse!”
Alekelelwe ulubembu lonse, kabili umutende
wapulamo kubikwa mukati;
Atile, “Iseni mumone uyu Mwaume ukufuma
ku Galili.” Cilya cishinka.
Ifilema fyalengelwe ukwenda, bacibulu
balengelwe kulanda,
Yalya maka yalandilwe nokutemwa pali
bemba;

Impofu shalengelwe ukumona, ninjishiba kuti
caba fye

Uluse ulwa ulyo Mwaume ukufuma ku Galili.

264 Pashanyeni cilya na bukapyunga ilelo.

Umwanakashi pa cishima, Ena amwebele
membu shakwe shonse,

Ifyo abaume basano akwete pali ilya nshita.

Abelelwo luse ulubembu lonse, kabili
umutende uwapulamo ukubikwa mukati;

Abilikishe, “Iseni mumone uyu mwaume
ukufuma ku Galili!”

265 We mwanakashi, Ena alishibe. Mwamona, Ena nabelenga
umutima wenu muno lucelo. We mwaume, Ena nabelenga
umutima obe. Owe, umusangushi, natupepe!

Owe, Nalitemwa ulyo Mwaume ukufuma ku
Galili, ukufuma ku Galili,

Pantu Ena alincitile fingi ine.

Ena alibelelo luse imembu shandi shonse,
nokubikamo Mupashi wa Mushilo;

Owe, nalitemwa, nalitemwa ulyo Mwaume
ukufuma ku Galili.

266 Bushe tamwamutemwe Wene, pamo na ine, muno lucelo?
Owe, we wasunkaniwa, umubembu ululumba, muno atemwa
konse uko iwe uli, bushe walasumina Shikulu wandi muno
lucelo? Ena e Cebo, kabili Cebo naciletwa kuli imwe. Bushe
tamwasumine Wene muno lucelo? Bushe kuti mwaimya fye
amaboko yenu atemwa ukwiminina pa nkasa shenu, atemwa
icintu cimo, no kupepa, ukusosa, “Ndefwaya ukusumina Wene
ino ine nshita. Munyina, ndefwaya, ndefwaya ino ine nshita
ukusumina Wene.” Bushe kuti mwamininako pa nkasa shenu,
uuli onse uyo wacilafwaya ukupepelwa, kabili soseni, “Ine . . .”
kupepelwa, ntile, “ndi mubembu. Ndefwaya . . .” Lesa akupale,
mukwai. Umo na umbi? Umuntu onse apepe nomba, pali miniti
fye.

Owe, muli yalya malimba akale nganshi, (cali
mucimfulumfulu, namwishiba, icalo cali),
kabili ninjishiba cena cishinka,

Akanya kanono kafyelwe ukupususha abantu
kumembu shabo.

Ilyo Yohane amumwene Wene kululamba,

Ena ali ulya Umwana wa mpaanga wa pe
na pe, (Umo wine ilelo)

Owe, Ena ni Kristu, Uwatanikwa uwa
Kalbale.

267 Bushe tamwamutemwe Wene ilelo no mutima wenu onse,
pa kutila mwingenda ukufuma muli iyi mibele ye sonde iyo
mwaikalamo? Imwe mwe banakashi, imwe mwe baume, owe,

cinshi ico mwacikalila muno yonse iyi nshita? Cena cilelangisha kuliko icintu cimo mukati ka imwe, kuliko icintu cimo kulya icikwete nsala ne cilaka. Imwe tekuti mwikale muno aya yabili atemwa ama ora yatatu, ukwikala muli ici cikulwa nge fi; kuliko icintu cimo. Bushe tekuti mumfwile fye kuli cena ilelo? Leken i amafashoni na science, na fyonse fintu fye sonde, fifume mumano yenu ino ine nshita, munyina umutemwikwa atemwa nkashi uwatemwikwa.

Inkuta shileampana, inko shikalamba
 shiletobeka, Israele alebuka,
 Ifishibilo ifyo bakasesema balandile libela;
 Inshiku sha benaFyalo shapwa, ne fyakutinya
 ifingi;
 “Bweleleni, Mwe basalanga, kumwenu.”
 Ubushiku bwakulubula na bupalama,
 Imitima ya bantu ilefilwa ku mwenso;
 Beni abaisushiwa no Mupashi, wamyeni inyali
 shenu,
 Lolekesheni pa mulu, kulubulwa kwenu
 kwapalama!
 Bakasesema babufi balebepa, Icine cakwa
 Lesa balekana,
 Ukutula Yesu Kristu ni Lesa wesu.

²⁶⁸ Nomba, cilya cishinka. Imwe namwishiba cilya, ifwe bonse, ubushiku ubo tuleikalamo.

Lelo Atile kukaba Ulubuuto pa nshita ya
 cungulo bushiku,
 Inshila ya ku Bukata imwe mucine
 mukaisanga.

²⁶⁹ Bulya e bushiku tuleikalamo ino ine nshita. Ulubuuto lukabalika fye pa nshita ya cungulo bushiku, ilyo mfifi ileisamo, kumacaca, ulutanda lwa cungulo bushiku.

Kumacaca no lutanda lwa cungulo bushiku,
 Kabili panuma ya cilya mfifi!
 Kwikaba ubulanda palwa shalenipo,
 Ilyo mukulekelesha nkafika;
 Pantu fyonse kunse fyakwata umupaka wa
 nshita no lwelele,
 Kabili ilyeshi kuti lyantwala ukutali,
 Lelo ndefwaya nkamone Kensha wandi icinso
 ne cinso
 Ilyo nkaciluka icishilwa.
 Mwinjeba, mumpendwa ya kulosha,
 Ukutula ubumi bwaba fye iciloto ca fye!
 Kabili umweo untu wafwa uyo wanakuka,
 Ne fintu tafili umusango fyabelamo.

Ee, ubumi butuntulu! Kabili ubumi cikatilo!
 Kabili nshishi te mpela ya buko;
 Pantu uli lukungu, kulukungu ukabwelela,
 Tacalandilwe pa mweo.

Ubumi bwa bantu abakalamba bonse
 bulatwibukisha,
 Kabili ifwe kuti twalenga ubumi bwesu
 ukuwama,
 Kabili, ifishilwa, ukusha kunuma yesu,
 Ifishilwa fya nkasa pa misensenga ya nshita;
 Ifishilwa fya nkasa, ifyo nalimo umbi,
 Ilyo aleoba pa bumi ubwine bwine,
 Uwawa kabili munyina uwaonaika,
 Mukumona, kuti akwata ukushipa nakabili.

Natwiminine, lyena, nokucita,
 No mutima kubwafya ubuli bonse;
 Mwiba nge shilitondolo, ingo'mbe
 ishilelenshiwa!

Beni impalume mubulwi!

²⁷⁰ Lesa uwatemwikwa, bena Benu. Nimona abaume babili abenimine pa nkasa shabo, Tata. Ndepepa, Lesa, ukutila mwalabasenda Imwe nomba. Bena balefwaya ukuba abana Benu. Bena nabashibuka ukufuma kubututu ubwa bumi ubo baleikalamo, kabili nomba bena balefwaya ukumfwishiwa bwino, cipya cipya, no lubatisho lwa Mupashi wa Mushilo pali ilye Mbuto iyo yabyalwa mumitima yabo muno bushiku. Lesa wa muyayaya, Kalenga wa fintu fyonse, Uyo walengele Icebo Cenu, kabili ndecetekela ukutila imwe mwalishibe aba baume bali no kucita ici muno lucelo. Ndepepa, Shikulu, ukutila Imwe mwalatapilisha cilya Cebo, akasuba no bushiku, kabili mwikaleka Satana ukufumya cena kufuma muminwe Yenu. Lekeneni cena cibe cimuti ico nshita shimo, mu Paradise wakwa Lesa, ilyo fyonse fika letwa nakabili, pantu Icebo Cenu tekuti cifilwe, cikaba nakabili. Pantu ili sonde. . .

²⁷¹ Kabili takwakabe ubuyantanshi bwa uyu musango mwi sonde ilileisa. Takwakabe ba motoka atemwa nangu cimo ico science yatala ukucita. Takwakabe ifintu fya musango filya mwi sonde ilyo lileisa. Lelo cikaba umusango wa buyantanshi bwakwa Lesa Umwine ubo Ena akabika mukuteka kwa bukata. Pantu, muli ubu buyantanshi mwaba amalwele, imfwa, ubulanda, inshishi, nokukabila. Lelo muli bulyo Bufumu ubo buleisa, takwaba mfwa, takwaba ubulanda, takwaba amalwele, takwaba ukukota. Mwe Lesa, fyonse fikaba ifipya kulya, mubuyantanshi Bwenu.

²⁷² Lesa, tusanguleni ilelo, na Maka Yenu, pakulenga cipya cipya amano yesu, ukutaluka ukufuma ku fintu fya fye ifya ili sonde nomba, ukwisa ku Cebo cakwa Lesa. Kabili lekeni ifwe

tulengwe cipya cipya ku Maka ayasangula ayakwa Lesa pa Mbuto iyo ili mu mitima yesu. Ukutula ifwe twalicetekela, ku fibumbwa ifitwa abana baume na bana banakashi bakwa Lesa. Ili e pepo lyandi kuli Imwe, Tata, pa bantu, mwi Shina lyakwa Yesu. Ameni.

²⁷³ Nomba kuli imwe abali kulya pa mulabasa, konse uko mubebele, ndefwaya imwe mupokelele Kristu kunse uko, nga Kapususha wenu mwebene, no kwisushiwa no Mupashi Wakwe. Ifyebo ifyo filandilwe muno lucelo, lekeni fingile mu mitima yenu. Kabili lekeni uko imwe mupokelele Yesu. Kabili lolekesheni ubumi bwenu, kabili imwe moneni ifyo muleikala panuma. Kabili sendeni Icakusushilako ca muntu utontonkanya pano. Ilyo mwaimona mwe bene ukucita icintu cimo ico capusana kuli ci Cebo, talukeni ukufuma kuli cena, bwangu bwangu. Mwamona? Pantu, kuliko Icakusushilako ico citalusha imfwa ukufuma kuli imwe, cilya Cebo cakwa Lesa. Ifyebo Fyakwe Mweo, kabili fyena fikamusunga imwe ukufuma ku mfwa.

²⁷⁴ Kabili kuli imwe mwe bantu muno nomba abali mucikulwa, ni musunga muno inshita itali. Ndemutotela pa kusangwamo kwenu. Ndepepa ukutula Lesa takatale ukuleka iyi Mbuto ukufwa. Ndesubila imwe ta muletontonkanya ninjiminina pano ukusosa fye ifi fintu ukuba uwaiwela. Ndesosa cena pa mulandu wa kutemwa; kabili ukwishiba ukutula cena cili ilyo ndi mwina kufwa, nge fyo ndi nomba, enshita yeka nkatala ukushimikila ku bantu. Kabili nalitemwa Yesu Kristu. Ena ni Kapususha wandi. Kabili ibukisheni, ine nga nali kunse kulya mu misebo nga cena tacali ni Wene. Ine nganali kunse kulya; bonse abafyashi bandi, bonse abantu bandi, twali ababembu. Lelo Lesa, na Maka Yakwe aya kusangula, ninjishiba cena canengele icibumbwa cipya ukufuma muli ine. Kabili ine kuti na cita—ine kuti nasuminisha Cena kuli imwe, ukube cisuma. Kabili Cena cikamusunga mu maora ya mafya. Nangula pa mfwa, pa mwinshi, imwe tamukwata umwenso. Takwaba nangu cimo ico cingatupatula ukufuma kukutemwa kwakwa Lesa, ukwaba muli Kristu.” Shi Lesa engapala cila umo uwa muli imwe, no kumupela Umweo wa Muyayaya.

²⁷⁵ Ni banga muno abo abashakwata Imbutu yakwa Lesa, ulubatisho lwa Mupashi wa Mushilo? Bushe kuti mwaimya fye ukuboko kwenu, ukusosa, “Njibukisheni, Munyina Branham, ukutula ndi nokupokelela ulya Mupashi wa Mushilo.” Nomba imwe musende Icebo muwenu—mu mutima wenu, nokucetekela Cena. Nomba nga imwe. . . Imwe kuti mwalolekesha pali imwe. Kabiye ni no kulolekesha pa cilola, kabili imwe kuti mwamona apo mubebele. Mwamona, imwe kuti mwaishiba.

²⁷⁶ Mwatila, “Cisuma, ine nshacimya ukuboko kwandi pantu ndecetekela ninkwata.”

277 Ilolekesheni mwe bene mucilola, lyena muli nokumona umusango wa mupashi ulemubepa imwe, mwamona. Ukutontokanya ukwabepwa! “Kuliko nshila imoneka iyalungama ku muntu, lelo mpela yaiko ni nshila shamfwa.” Bushe cilya cishinka?

Alimfwilile pa Lupanda,
Epo nsambe ifibi fyandi;
Owe, mu mulopa wakwe ndebuta, Lumbeni
Yesu;
Ubukata . . .

278 Isaleni fye amenso yenu, miniti fye nomba, kabili imbeni fye lulya kuli Wene. Leken i twimye fye amaboko yesu pamulu.

Lumbeni Yesu!
Lumbeni Yesu!
Mu mulopa wakwe ndebuta;
Lumbeni . . .

279 Ndefwaya imwe mwe Benakristu ukuposhanya mu minwe umo no mubiye, imwe mwebapusushiwa.

Napusuka cine ku fibi,
Yesu aikala muntu ndi,
Pa lupanda ambulile ndebuta;
Lumbeni Yesu!
Lumbeni Yesu!
Lumbeni Yesu!
Mu mulopa wakwe ndebuta;
Lumbeni Yesu!

280 Umulopa walikwata akabulungwa ka Mweo muli Wene, namwishiba. Ici cili kuli bena abo abashamwishiba Wene.

Owe, Kafukauka wa papisha;
Nasekela pa kwingila;
Owe, no kusamba ansamba bwino,
Lumbeni Yesu!
Lumbeni Ye . . .

Natukontamike imitwe yesu nomba ilyo tulelwimba.

Lumbeni Yesu!
Mu mulopa wakwe ndebuta;
Lumbeni Yesu!

281 Mwalimutemwa? [Ulukuta lwatila, “Ameni.”—Ka.] Paulo atile, “Ndi no kwimbila mu Mupashi. Ndi no kupepela mu Mupashi.” Leken i tulwimbe bwino nganshi nakabili, na maboko yesu pa mulu.

282 Namwishiba, ubwafya bwa cena, ifwe fwe bantu ba Pentecostal, ifwe twalilufya ukusangalala kwesu, ifwe twalilufya ifya kumfwa umfwa fyesu. Nge fyo Billy Graham asosele inshita imbi iya bushiku, “Balya bakashimikila,

inteneshi shabo ishapilibulwa, ukuya kulya ku kwa Kuso, ukutote ndupi shabo, no kumanya inkasa shabo pa mulu na panshi pa mushili, no kulisha inshindo, bena balikwete icintu cimo ico basansamukilepo.” Cisuma, ee, nalikwata icintu Cimo ico nasansamukilapo. Mwamona? Mwamona? Ee. Ee, ifwe twalilufya ifya kumfwa umfwa fyesu.

²⁸³ Nomba lekeni twimye fye amaboko yesu. Mwisakamana palwa fyena, tafili nangu cimo, mwamona. Cilya taticusha. “Uyo uleya aletanda mufilamba, ukwabula ukutwishika akabwela nakabili, ukuleta imyashi yawama.” Cisuma.

Lumbeni Yesu!
 Lumbeni Yesu!
 Mu mulopa wakwe ndebuta;
 Lumbeni . . .
 Lumbeni Ye . . . (Mwe Lesa! Lesa
 alumbanishiwe!)
 Lumbeni Yesu!

Bikenimo Imbutu, Shikulu, mu mutima!

Mu mulopa wakwe ndebuta;
 Lumbeni Yesu!



AMAKA YAKWA LESA AYASANGULA BEM65-0911

(God's Power To Transform)

Iyi Mbila na Munyina William Marriion Branham yaletelwe intendekelo mu Cingeleshi pa Mulungu ulucelo, September 11, 1965, ku cakulya calucelo caba Full Gospel Business Men's Fellowship International pa Ramada Inn Phoenix Arizona U.S.A., yafumishiwa muli tape iyambulwa kabili nailembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2009 VGR, ALL RIGHTS RESERVED

VOICE OF GOD RECORDINGS
 P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org